



10217

序

憶自壬寅秋謁 白華師於武昌使署方於敗籠
中檢校詩文起自丙寅至辛丑而止自言生平所
作不錄副散佚滋多今當就所存者抄錄副本卽
命襄其事錄成得詩古文詞六十卷分爲十集次
年癸卯門下士請梓以行何史記自序漢書敘傳
意自爲序且曰一書不再序諸子有能文者跋之
皆嘿不敢應所謂游夏不能贊一詞也是夏囑課
其長嗣星宰受代後借入都甲辰課其姪庚塘仲
甫丙午 稷堂先生刻崔沙時文時與商推壬子

序

并課其贅婿喬子葆堂乙卯冬拜別春明門外隨
侍十四年詩文之作名曰叢稿每一稿脫必出以
相示謂有可商量處商量之間或芻蕘一得無不
欣然見納亦泰山不讓土壤河海不擇細流之意
耳甲子過吳淞 師已先一年溘逝矣星宰奉叢
稿乞訂摩挲手澤不勝感悼攀依絳帳親炙日
深未能窺見一斑何敢妄與是役 稷堂先生旋
里纂輯藝海珠塵之暇次第編輯共存四十卷去
春乃付剞劂旋以祝

暇入都未及序今年十月朔來茸城拜 師於祠 稷

堂先生亦以春初歸道山星宰復請曰先大夫在
日每言續稿成當囑叔父序之否則必門弟子之
最相知者今不幸叔父見背願以丐先生嗚呼吾
師門生遍天涯燕許手筆所在都有雲何人斯昔
不敢跋前稿今乃敢序後稿乎而以侍函丈久且
於 稷堂先生回籍後朝夕過從又四五載知其
兄作第述至詳且悉非他人可比義不得辭自愧
謏陋不能文亦不敢文特書顛末以附簡端恐於
師意未得當焉識者幸勿嗤之昔

嘉慶十五年歲次庚午十月望後三日受業鹽官

序

王步雲謹序

二

年譜

我吳氏世居丹徒之順江洲自前明已來籍博士
弟子者同時常數人或十餘人而仕不顯鄭成功
旣平京口設駐防兵洲地皆牧馬居人多他徙高
祖元吉公諱自昌渴葬翟孺人于洲而挈我曾祖
贈通議大夫存初公諱燧本生曾祖贈文林郎嘉
會公諱宗亨至上海之下沙鎮止焉偕行者從弟
自強及龔某劉某劉復徙下沙北數里自強公復
徙周浦北數里生宗傑宗江皆上海縣學生時上
海學入額祇十二名通議公困童子試久已棄去

年譜

康熙戊辰夢所居建一旗復就試得入學庚午闈
卷主試裴公王公已冠青浦令李君之房繼得劉
輝祖卷乃易置副榜顧不以介意與文林公事繼
母周孺人愛養甚篤終其身未析箸我祖贈通議
大夫迂疇公諱啓秀方八歲卽隨通議公起居通
議公館杭之西溪爲張封公課其子大司寇文敏
公照中嵐氣以歿命我祖爲後而從祖奕梁公諱
倬則後我文林公

迂疇公字禹疇生康熙乙卯重陽日年二十玖入
上海縣學第一翌日復入金山衛學第三學使張

公甚奇之鄭魚門中丞視學時鑲所試作於版執業者常數十人錄經史通鑑通考大學衍義補諸書累數百冊爲文章發揮理要網羅史事顧十摞於省試年七十四將序貢而卒賤贈朝議大夫提督四川學政日講起居注官左春坊左庶子兼翰林院侍讀晉贈通議大夫娶趙淑人生我父及世父郡庠增廣生脩田公諱成棟繼娶倪淑人生季父戊辰進士今廣東樂昌縣知縣掌平公名世賢

考諱上成下九字和仲一字耕巖生康熙甲申重

年譜

二

陽後一日六歲而趙淑人卒玖歲育於倪淑人甫作文周浦王範之先生鑄以戚屬後進擊賞不輟

歲乙巳入華亭縣學後撥歸奉賢縣學爲文務以博大爲宗於詞宗蘇辛於書宗雲麾夢羅二碑性介直雖甚困不以不義名一錢娶我母顧淑人上海縣庠生贈奉直大夫翰林院庶吉士丕承公諱宏烈長女

雍正七年己酉十二月十四日午時生於下沙東倉先是存初公有居二十椽枕衆安橋纍積數棺迂疇公無以營葬乃賣宅得百金葬元吉公及周

孺人存初公及元配梁淑人繼曹淑人庶周孺人
嘉會公及張孺人別僦王氏倉屋僅蔽風雨時館
新塲方氏相距十二里聞信吐哺而歸名之曰鶴
徵就傅時字以壽國

八年庚戌二歲

玖年辛亥三歲

十年壬子四歲四月亡妹生辛酉十歲而殤秋大

風雨海水暴至歲大禘

十一年癸丑五歲

十二年甲寅六歲

年譜

三

十三年乙卯七歲就傅讀孝經至愛同敬同請于
蒙師劉英上先生曰于文爲同若加水旁當是桐
字時表兄秦德輿追隨同塾劉師顧之以爲不逮
然日誦僅三四百言疴疾頓作老奴朱日負之入
市東出西歸謂之放瘡

乾隆元年丙辰八歲

二年丁巳玖歲誦四書詩經周禮始畢

三年戊午十歲隨府君至新塲閔氏館五月弟蘭

生

四年己未十一歲仍館閔氏

五年庚申十二歲誦易書及禮記春秋胡氏傳左傳畢仍館閔氏

六年辛酉十三歲讀史記三十餘篇皆府君手錄間爲破承題仍館閔氏春季父選拔秋中鄉試

七年壬戌十四歲從府君館灣洲周氏冬始誦時文

八年癸亥十五歲仍館周氏二月三日府君命吾

日三省吾身題曰高春膽畢命改作復畢授午餐

周茂才勒銘來索閱訖謂府君無怒玖月應府試

時府君不欲令觀場而季父館郡城有冊註縣試

年譜

四

名籍者強之使來始見郡之城郭宮室十一月杪痘發甚殆弟蘭痘亦發我祖說三國衍義以紆我痛除夕始倚牀而坐

玖年甲子十六歲正月唐氏妹生夏隨大父館郡城李氏應學院開公科試是秋間三日課四書文二題每題私作二首或三首

十年乙丑十七歲侍府君郡城張氏館四月以縣

試註冊之名應府試六月一日學使崔公歲試寄

金山衛童冊就試執友趙秀文先生楚偕寓訊子

喜誦何人文子妄舉以對背誦至三四次日心氣

粗浮強予臥帳中而趙依案作字如是四日心如
死灰遂以今名入場試湯之盤銘曰夫明堂者二
題心手揮霍皆若宿構既雋旋撥入南匯縣學第
五

十一年丙寅十八歲春聘外舅轉菴查公長女五
月就其館讀書專爲科試玖月科試一等第二名
食餼與趙璞函張少華張韞輝始定交

十二年丁卯十玖歲隨府君至江寧應鄉試是年
始定科舉額共錄遺被擯者以數千計

十三年戊辰二十歲授蒙童於家季父成進士冬

年譜

五

先大父卒

十四年己巳二十一歲春學使莊公月課第一名
歲試第六名發落時莊公召之語曰是卷於招覆
榜發後始得寓目故名次小屈然切曾子發論者
惟此蓋首題爲君子以文會友也是年館市西劉
氏

十五年庚午二十二歲贅郡城崔公復來視學六
月於崑山調舉科試列一等第七名省試復落玖
月府君病痢自康家壩宋氏館歸受業者以次年
來就舍予仍館劉氏

十六年辛未二十三歲正月受業于府君者皆來就三月杪府君捐館病勢既久參朮費至百餘金先一年府君又於舍東修築三椽通木值三十餘金無所典貸追呼盈耳乃決意習幕事時蘭弟不好學責之自投于河撮而撲之

十七年壬申二十四歲正月杪世父應

恩科省試卒於省邸時計未至而季父挈予將上玖江過省已殯遣僕王元者扶櫬歸上已至玖江關使唐公英初抵任延季父居甘棠湖之烟水亭評閱玖江生童課卷而予課其一子二孫

年譜

六

十八年癸酉二十五歲六月杪附米船應金陵試四日而達試畢仍至玖江居烟水亭郡守豐潤董公榕字蔭千見顧談藝相得甚懽訂以來春商訂府志除夕歸抵家

十玖年甲戌二十六歲三月將歲試董公以書來邀乃買舟逕東壩出蕪湖於吉陽河太子廟見壁間蒲圻李標詩爲次其韻四月居董太守郡齋每夜謔漏輟四五下給事者盡散呼茶湯亦不得然兩不相厭創志稿凡例而經費無措八月季父將謁選促予歸

二十年乙亥二十七歲大禘斗米錢三百文玖月
赴崑山補考學使晉寧李公因培示附二等旋按
雲間科試列一等第一名促予赴江寧彙試詩賦
以迓

翠華而

南巡之命緩至下丑

二十一年丙子二十八歲四月季父奉祖母之官
沅江弟蘭隨往予儼郡城蔣涇橋王氏五椽以居
大禘之後質庫停質徧貸得三金應省試時二場
判題士師評物價評誤平被貼歸舟惘然顧太湖

年譜

七

人及予婦查恭人夜績輒達旦易米以爲常十一
月以彙試詩賦赴江陰試送書院肄業得收錄回
至蘇州學政李師檄紫陽書院給五月膏火凡玖
人子名在焉以是得爲

奏賦之舉

二十二年丁丑二十玖歲二月迎

駕獻賦於望亭三月十玖日於江寧

御試精理亦道心賦經義制事異同論鴻漸于遠詩

命協辦大學士尙書錢塘梁公兩江總督望山尹公副

都御史諸城竇公予卷在梁公所以予分疏精理

二字通場所無

命下列一等第四名

特賜舉人授內閣中書學習補用

二十三年戊寅三十歲四月買舟奉顧淑人北行

七月赴內閣當夜直鈔舟次所作詩本侍讀紹元

見而誦之不去口曹同年仁虎每與予徒步赴直

笑言掉臂不以出無車爲恥也

二十四年己卯三十一歲正月四日有客飲予所

忽僕婢以太淑人嘔血告時予僅畜僕二婢二子

承先淑人背而坐醫至則查恭人代之而予出應

年譜

八

七晝夜未嘗交睫忽兩目如漆黑有聲轟然背脊

如潑水而以薑蘇湯藥療之稍見效三月一日赴

直淑人復病三月十八日去世五月蘭弟至自湖

南猶欲爲北闈計相見慟絕遂以六月扶柩偕歸

割外舅宅前三椽以居十一月自玉山逕瀏陽至

長沙省祖母於湘陰縣解

二十五年庚辰三十二歲四月應浙江本韻雲先

生鴻湖南學幕襄校衡長科試同在幕者粵人陳

其焜盧應譚至衡州皆辭歸予獨閱錄遺卷始歸

中秋夕渡洞庭十月卜葬地於婁青間不食墨渡

浦而相地四乃得於南匯之南二竈

二十六年辛巳三十三歲服除玖月三日葬府君

於南二竈蘭第子重陽後旬日入南匯學一名十

二月贅之張莊許氏八月妹氏適唐是時季父解

任

二十七年壬午三十四歲偕弟蘭迎

駕于望亭予頌冊入選

賞緞一疋秋第蘭中鄉試

二十八年癸未三十五歲正月三日買舟北上璞

莽攜其家俟我于揚第蘭偕同行者應文于舟次

年譜

玖

上巳前一日始入都門與璞莽同儻李鐵拐斜街

屋會試中第十四名房師編修餘姚諸公重光總

裁係少司馬錢塘王公際華少宰吉林德公保大

司寇無錫秦公蕙田四書題寘武子邦有道則知

二句次題無憂者其惟文王乎三題先名實者為

人也四句詩從善如登

殿試二甲三十名今陝西畢中丞沅時以修撰充收卷

官語其儕曰若以策取殆無過矣

朝考保和殿予卷在大司寇舒公赫德所擬置第三謂

協辦大學士武進劉公曰是卷四詩皆工惟心為

太極論以太極爲道家授受故未敢擬首選劉公
曰卽以論當首選矣時新進士自鼎甲外分一二
三等引見予名在一等第三奉

旨改庶吉士五月至庶常館館師武進劉公少宰德公

編修太倉邵公嗣宗子每一賦出邵公輒錄其副

劉公試于闐玉磬賦登高賦皆第一會憂去以大
學士諸城劉公代之是年與璞菴蘭泉魚門東亭
雲椒吾山耳山習菴及翁蘭爲聯句之會

二十玖年甲申三十六歲劉公館試第一爲纂修
續文獻通考官五月季父遣急足齋千六百元捐

年譜

十

復知縣爲徧貸得二千餘金兩閱月始濟自此七
八年晝則課徒夜則修書或達曙不成寐

三十年乙酉三十七歲春

翠華四幸江浙自廢員及館閣臺省卿貳所進詩冊不
少璞菴與予每篝燈對擬以爲常諸城劉公再試
仍第一兼充一統志纂修官與璞菴始分車分寓
撰音韻述微支微眞文元寒刪先諸韻李蘭臺徐
蒼林皆來居停

三十一年丙戌三十八歲散館八磚影賦麥浪詩
予旣成四詩謄訖李同年調元謂予曰能再作耶

乃復成二首繕其一

欽定一等第三授編修寓孫公園第蘭摯卷至六月

奏派撰文沈生以顯來寓

三十二年丁亥三十玖歲冬

奏派敘習庶吉士八月內人撫弟第二女爲女

三十三年戊子四十歲四月一日引

見試差人員下初五日大考之

命是晚諸太夫子至初三日恭赴

圓明園寓初五日試擬張華鷓鴣賦新疆屯田議紫禁

朱櫻出上闌詩

年譜

七

親擢一等第一名陞翰林院侍讀十玖日京察引

見准一等

記名外用劉文正公以學問優贍請留二十五日充貴

州正考官與御史孟邵同行十一月二日復

命于

乾清宮西暖閣

問歷考次第因

諭以作古文當先見解是冬十月行次荆門見北闈題

名錄知寓中四生康儀鈞夏璇源沈以顯姪熊光

俱獲雋黔闈得蕭鳳翔以下四十八人八月十三日

外簾送卷至予隨手採覽隨發本房其佳者或圈
讀數句唐金卷定元者數日矣二十四日以書
房所定副榜一卷殊不愜意復索備卷皆不稱時
孟君就飲于王監試日杏所忽李君幼僕晷呼甚
厲予恐火之藝卷也倉皇出叩李僕言有一巨人
從空而墮其頭如箕予心動復命李以諸備及未
薦卷至則蕭卷在焉閱竟甚喜孟君閱之亦嘆異
而蕭弟鳳翔于庚寅鄉試旣薦置落而主司張君
輒誤入中卷中心異之乃得中式歸次洪縣遇
蘭泉璞菴從軍入滇璞菴遂永訣

年譜

十二

三十四年己丑四十一歲充會試同考官得沈碧
城劉錫嘏王祿朋姚芳遠高士玉衛錦王應遇戴
求仁莊寅清竝中書沈啓震譚廷棟學正徐立綱
祝堃等復

奏派教習庶吉士是年會試中額最少貴州止中二
名而蕭生得聯捷

三十五年庚寅四十二歲舉

恩科鄉試

御試四書文二詩一其去取甲乙莫得而知也五月遷
居于順城門大街充廣西正考官與兵部主事李

廷欽 偕行得周琢等四十五人路經黃陂時季父
方爲令予省視祖母往返各居三日十月復

命于 乾清宮西暖閣十一月第蘭補國子監學錄引

見

諭曰吳省欽是汝兄耶

吳三十六年辛卯四十三歲六月署

日講起居注官時試差之甲乙名第仍莫得而知而前
二次曾充考官者俱分註于名下故是科典試皆
前此所未用者十七日侍班

年譜

十三

圓明園之

勤政殿翌日

命充湖北正考官皆

異數也編修黃君長棟爲副考官得葉奕焜等四十

七人季父復罷官歸途次黃陂侍祖母三日復

命于

勤政殿東閣

上聞所奏聲笑曰松江人也蓋張文敏照顧侍講成天

久直

內廷

天縱之無所不知如此八月喬氏女生三月充會試同
考官得沈廷獻彭錫璜楊殿梓張時獻黃瀛元尹
潮梁孔珍楊淮等八人
奏派教習庶吉士京察引

見推一等十一月充

日講起居注官

三十七年壬辰四十四歲充會試同考官得來起
峻平恕熊言孔顏培天朱攸葉誠周謙閔惇大陸
湘孔廣什王坦修周琢蕭鳳翺彭元琬是科予以
病決擇甚審僅薦三十四本惟戴衢亨錢世錫孔

年譜

十四

繼涑三卷薦頗力而不與雋復

奏派庶常館教習十二月三日侍班

乾清門

上目視兩及之少選有視學四川之
命翌午祖母訃自密縣署中至遺命以從第省亦為世

父後時內人胃痛幾殆藥不一效值此喪故匆促

治裝叩別劉文正公瀕送嘆曰子去兩年當歸歸

不知吾及見否又嘆曰子去今不知蜀督為誰又

嘆曰子去我信子之不辱使永訣之言知已之感

念之至今猶心蹙也請

訓子乾清宮西暖閣

三十八年癸巳四十五歲正月三日起行同邑姚
蘭泉裁亭蘄州陳佑濬與偕竝趙秉淵少鈍欲省

其父璞菴於金川軍營予挈之行妻弟查實穎自
懷慶至潼關以待二月二十五日抵省三月十日

歲試成都見生童命名違礙鄙俚複疊及連姓取
名如亭林顧氏所記者悉行改註又別字土字連

篇累牘既爲榜示之復刊蜀字匡繆一編正之時
際軍需溫江令以徵夫鞭責二生歲試前一日溫

江一生無報名者予亟爲改期榜示利害翌日而

年譜

五

畢至復獎舉吳生浩恒以勵其氣五月望赴邛州

六月十八日于雅州聞木果木之變爲位以哭璞

菴又十一程而至寧遠崇山插天榛石塞路陔絕
處皆臨不測較雲棧險且十倍八月旋省遂舉科

試十月二十四日赴嘉定而敘而瀘度歲于重慶
彙舉會理州訓導張德化時蜀中教職不予保舉

者十餘年矣

三十玖年甲午四十六歲正月二日發重慶至順
慶保寧龍安歸省在三月上旬矣七月錄遺八月

舉優生吳浩恒孫文煥穆念貽鄉試榜發吳中第

四名孫中第六名歲科試一等第一者凡中十名
武新生鄉試中玖名蜀自奉有督臣會同考試優
生之令遂不復舉會舉自此始十月奉到仍留任
四川學政之

旨時姚秋塘於三月東歸陳六峯會試入京貴州吳孝

廉榛陳孝廉新佐文孝廉教溶至是秋弟蘭以助

教特入順天鄉試支闈

四十年乙未四十七歲三月試成都成屬歧考甚
多而武童尤甚成都至三百名華陽至四百餘名
嚴令呈首查汰十不存五五月至嘉定噉荔支登

年譜

十六

峨眉山予恐以擾動不欲往而權守湯大凝力勸

之六月二十四日大暑宿山頂午刻可解衣傍晚

則擁爐披一裘尙不足觀聖燈佛光雲海翌日返

宿義眉縣秋塘同遊蓋于五月間借劉生抵嘉定

也玖月酌監射武員設坐之制下涪州之羣豬灘

灘石如豕之負塗水勢兇悍屢與石搏忠州登翠

屏山夔州登白帝山讌于郡齋之望華亭回舟至

萬縣抵達州州童以權牧馬某故臨試幾欲毆之

嚴切儆示頃刻而定試順慶保寧潼川度歲是年

十月遷右庶子

四十四年丙申四十八歲正月二日發潼川連舉
龍安歲科試以愜軍需倥促時生童官吏之意准
部而後不以爲例是年二月四日金川僞索諾木
就降俘之入京三月望日與李又川中丞迓將軍
于鄆觀桐花鳳五月試川南時雅州業已設棚而
歲科分試相距不過一月因咨請連考經部議准
而部叅謂爲不應不奏罰俸玖月云六月轉左庶
子是冬弟蘭以進平金川箴受

獎

四十二年丁酉四十玖歲七月會同文制府考准

年譜

七

選拔凡百有十玖人是科中式者十一人代予者
爲劉錫嘏純齋重陽後二日內子挈家歸松十一
月二十玖日始到予以十一月二十八日受代十
二月朔日啓行秋塘爲松茂道恂叔查丈所留度
歲長安與曹習菴張少儀並敘于畢中丞座上聞
妹婿唐祖樾舉南闈表弟張位中舉北闈棉州門
人孫文煥偕予行至介休呂公滋署中度上元遊

李氏園

四十三年戊戌五十歲二月復

命于西暖閣四月會試榜發弟蘭被放先是以去夏奉

有會試後題奏之

旨特准一體

殿試改席吉士五月院長于文襄仍以予

奏派教習教習例以待讀以下奏充予四與此選而

文襄輒謂予古賦爲近所罕見故破例焉予于文

字之役雖師友商示不敢稍假前後分課諸君其

虛心來受者無不應之周生嵩聯金生蔡何生愚

在寓問業十月內子至京撫弟蘭第三子爲子名

曰敬樞十一月與纂音韻述微一統志

四十四年己亥五十一歲三月試差第一名于文

年譜

末

襄見次題晉平公之於亥唐也文亟趣錄送予既

未暇則趣入直之中書代爲錄之四月遷侍講學

士隨派侍班于熱河文廟五月十一日扈行六月

初六日始返京寓時大雨沒轍灤河潮河覓渡甚

艱兩宿者數矣十七日充浙江副考官

奏假於試畢歸途取便省墓爲王範之先生遺孫聘

某氏十一月六日還

觀闈中以八月十三日外簾始行送卷時王侍郎燕分

閱單房予分閱雙房未刻有第十三房所薦詩經

卷子偶一取視謂侍郎曰此空羣矣比二十日子

得十四房陳生卷亟以示侍郎侍郎曰此殆首選
玖月朔末場薦卷至蓋無踰十三房卷者遂力主
前說榜發則蔣生師燿浙人共推爲國士者也洎
明年會試蔣陳俱成進士共聯捷者六人

四十五年庚子五十二歲五月第省蘭授職編修

七月歸姚栽亭徐蔭林之喪八月二十六日奉視
學湖北之

命赴堯亭子

行在謝

恩周生暨徐生興文以玖月偕予出都戴生友衡自京

年譜

九

歸休寧期以燈節前抵署是冬王茂才堂開至十

二月轉侍讀學士 以上係 先大夫自記

四十六年辛丑五十三歲知鄖縣李公集以農民

陳文世妻劉氏副肝起姑告爲孝婦詩表揚之二

月首試德安名其院門曰風始諸郡以次按試由

宜昌之施南過歸州山道窄而險山凸處輿丁以

緯索數十上前後不能照顧一不得當卽墜百尺

之深溪先大夫恤其艱苦徒步蹉足

四十七年壬寅五十四歲宰應城王公嵩高以所

部張童子桂剝股療世父疾爲之掄揚童子來應

試作序贈之益勉以學歲試報週舉行科試玖月
考黃州畢回彙垣命敬樞侍先妣查夫人歸修祖
父母墓以文版之霍沙故居奉爲先祠爰構屋於
舅氏三珠堂之南在郡城西先大夫手輯前稿凡
十集

四十八年癸卯五十五歲開篆後科試武昌試畢
校刻前稿五月敬樞侍查夫人由松江水程抵署
適劉太夫子英上先生來訪古貌古相公服迎之
話舊三月爲之計買山而送以行七月錄遺湖北
舉子額不過五千錄遺者五千有奇可取者三千

年譜

三

以上先大夫告之姚中丞成烈福方伯慶取轎號
捐供給寬取八百人諸生爲之感頌任滿受代十
二月初玖日抵京復

命寓興隆街

四十玖年甲辰五十六歲三月陞光祿寺正卿三
年在湖北學政任京察

記名單久不上至是始復上故回京幾四月卽陞入卿

階

五十年乙巳五十七歲成均

辟雍告成二月

上親臨釋奠獻說雍文冊入選深契

宸衷奉

命上書房行走侍 成親王世子讀書卯入申出以興隆

街入城較遠移寓青廠官房三月

賜內直諸臣文房清具得文竹都盛盤一香盤三眼鏡一

作詩恭紀十一月陞順天府尹先大夫以府尹總

理二十五州縣事繁

奏請辭上書房事奉

旨俞允

五十一年丙午五十八歲甄別金臺書院得施公

年譜

五

杓 卷極賞鑒之許其必入詞垣每課置第一三月

繆姊丈雋 自山東藩署來京入贅四月偕姊氏回

東五月奉

派稽查左翼宗學六月 叔父充浙江正考官送之邸

寓曰兩浙多佳卷慎選之八月監臨順天鄉試以

應試者不止順天等處之人請照會試知貢舉例

臨期奏派奉

旨俞允

五十二年丁未五十玖歲 質親王以手書臨帖

二詩示依韻和呈蓋

上書房行走時 親王 郡王常以筆墨酬唱故尹順

天後亦間有之五月 叔父請假省墓大兄 敬權

二兄 敬模 隨侍回南大兄完姻卽應本籍童試

五十三年戊申六十歲七月構隙地厝同郡旅櫬

之無歸者作松江義殯記十月侍 成親王校試

武闈以張文敏金人銘換乞墨蹟十四日入闈監

臨

五十四年己酉六十一歲正月十二日

奏雪

高宗純皇帝望見之曰汝等又

年譜

奏雪耶以上年除夕前得雪早報瑞也二月大兄入泮

玖月中式本省鄉試與門下士周君 藹聯 同榜聞

之色喜曰懷芳以選拔入都吾姪方上學堂今並

舉於鄉亦幸事也十月喬姊丈 淦 自上海來京入

贅卽留寓讀書應順天鄉試

五十五年庚戌六十二歲二月

高宗純皇帝耕籍禮成優予獎叙是年賜

御製集石鼓文製鼓重刻序

御製涇渭濁墨刻論語集解義疏八月恭遇

高宗純皇帝八旬萬壽獻說壽文冊蒙

恩褒賞大緞二疋荷包二對十月派閱拔貢

朝考卷十一月以官用羨銀修順天府育嬰堂東西房
五十六年辛亥六十三歲正月由順天府尹任陞
禮部右侍郎卽放順天學政四月在通州試解校
閱生童卷日夕不稍懈心火上炎陡得咯血症於
試事益恐草率勉力支持試畢病更劇

奏請解任

高宗純皇帝命叔父來代學政回京調理禮部侍郎仍
命不必開缺五月調補工部右侍郎且
遣金侍郎士松來問病八月病痊前赴

年譜

灤陽謝

恩銷假叩頭訖

高宗純皇帝溫綸慰諭曰汝用心過度咯血半年鬚髮俱
白矣尙能做詩否叩頭謹對奉

勅恭和

御製詩玖首玖月爲敬樞授室劉氏外父翰林院編修劉

公種之三女也十月

派閱舉貢試教習卷

五十七年壬子六十四歲五月扈

蹕灤京六月充江西鄉試正考官偕江南道御史王公天

祿行得劉黻等致十四人八月初六日入關暑渴至明堂西井泥不食澣之得泉字曰壽章并爲文以記於版惟時七月先妣查夫人病腫脹敬樞延醫調治稍稍就痊十月差旋冬令漸深病日甚二十八日長孫樹榮生呼之曰去疾望查夫人含飴而弄也十一月倡修雲間會館并爲之記

五十八年癸丑六十五歲正月初四日先妣查夫人歿于京先大夫以夫人內助四十三年一朝長逝悲不自勝三月充會試副總裁四月時疫甚行暴卒者多王彝舟師步雲病火結口噤不能言日

年譜

三

命敬樞偕喬姊丈淦侍疾廢服食者七晝夜矣已

爲之搆椀木而顧敬樞曰汝師不應客死延同鄉

王君焜壁醫之一劑而愈聞之大喜曰我固謂汝

師未死也七月命敬樞扶先妣查夫人輓歸葬婁

縣之白漾灘而自治生壙擇于是年十月初四日

葬查夫人先爲壙志納之玖月轉工部左侍郎十

月武會試

派知武舉

五十玖年甲寅六十六歲三月以媳劉氏病甚命敬樞回京六月充浙江鄉試正考官偕戴可亭先

生均元 行得湯金釗等玖十四人八月媳劉氏歿
于京先大夫於闈中聞信以去查夫人之歿不及
二載長孫方在抱又喪冢媳甚爲悲悼出闈後各
衙門設讌以款槩辭不與袁柏田方伯時官浙西
爲查夫人姪婿因言三舅氏查公實秀女可續膠
以撫樹榮卽聘定之玖月京兆榜發喬姊丈中副
榜貢生途次得信爲書賀鷗村先生十月差旋十

二月署

經筵講官

六十年乙卯六十七歲正月初玖日奉

年譜

三

勅恭和

御製重華宮茶宴廷臣內翰林復成二律元韻

御製新正紫光閣茶宴外藩元韻六月復充浙江鄉試正

考官偕翰林院編修洪公樞行得林敷英等玖十

四人八月叔父任滿受代仍放順天學政兄弟先

後互代一時榮之途次嘉興接部咨回京謝

恩任事是秋命敬樞應京兆試受知於諸城劉師洵芳先

生鑑之薦甚力而未獲雋勉之曰學到則運通劉

師培植不可負也宜自勵勿懈十月查石帆表兄

滌源送三舅氏女來京爲敬樞續娶

嘉慶元年丙辰六十八歲元旦

高宗純皇帝御太和殿傳位

皇帝登極授受禮成獻說傳文冊越四日與千叟宴

恩賜如意鳩杖等珍品先大夫以未及七十得與杖朝
之列榮莫大焉作玖言詩一首恭紀奉杖於堂顏

曰

賜杖恭和

聖製紫光閣茶宴外藩元韻太學石經告成

賜內廷諸臣先大夫以曾在

上書房行走亦得與焉敬謹寶藏故於歸田後以石經

年譜

三

顏其堂二月出京按試及至天津棚次聞是年四

月南皮張裕慧婦王氏剝股食裕慧病卒不起越

四七而殉爲張烈婦詩表揚之

二年丁巳六十玖歲正月恭和

聖製新正重華宮茶宴廷臣及內廷翰林用平定苗疆

聯句復成二律元韻八月調補吏部右侍郎十二

月轉左侍郎

三年戊午七十歲二月上丁

聖駕釋奠臨雍禮成進雅八章三月按試外郡陞都察

院左都御史奉

旨來京供職

四年己未七十一歲正月罷職四月出京由水程
回籍七月抵松暫居三珠堂之南查夫人所構宅
也其宅本舅氏故居中表兄弟以人多屋少謀復
其舊就近于叔父聽彝堂之北卜宅遷居以三舅
氏無後未立嗣子撥饋產八十畝俟有爲之後者
給之玖月大兄以別駕任肇慶東謁祖墓而行送
之曰吾家以清白貽子孫汝其勉之

五年庚申七十二歲二月修崔沙祖墓爲文以祭
先祠六月乞錢塘梁山舟先生

同書

書石經堂額

年譜

七

八月初益梅試十餘花十六日夜火光如斗墜入
庭中咸以爲異十八日生第敬沐庶母李氏出喬
鷗村先生以詩來賀次韻答謝並告門弟子之宦
遊四方者

六年辛酉七十三歲以松俗棺槨多火化告之太
守今河南廉訪趙公宜喜出示禁之又恐無力葬
理者終于暴露願捐錢創建與善堂太守先率俸
錢爲倡諸同志咸樂贊成各捐錢置產以垂久遠
設堂于郡城西每年三節無力自葬之棺悉爲之
灰葬義塚至今勿替

七年壬戌七十四歲先大夫手不釋卷復爲親族世好成全善事不一而足咯血屢發爰構舊屋材料於屋後隙地建初日堂以爲養病之所

八年癸亥七十五歲自正月至三月每日常教弟敬沐識字二三十名四月歸繆氏姊從清江姊丈

裡河同知任所來省視五月初舊病復作敬樞延

醫調治日侍湯藥病中惟以叔父在京二兄敬模

隨侍并以大兄敬權遠宦粵東爲念二十日外處

分家事神明不衰至月盡竟成口糜六月初二日

溘然長逝敬樞奉疾無狀至今肝裂遺命請王述

年譜

天

菴侍郎祖作墓志銘啓白漾灘生壙葬之敬樞遵

乞志銘於十月十二日歸葬子二敬樞敬沐女二

長適裡河同知蕪湖繆雋次適乙卯副貢候選國

子監典籍上海喬淦孫三樹榮樹棠樹英孫女二

皆敬樞出

先大夫於庚子秋視楚學歲杪未按試曾手訂年

譜欲於每冬總覈一年之事而記之乃辛丑後

出奉輜軒入侍

禁廷歸田不數載復爲親族世好完嫁娶計存養謀

喪葬急患難惟日不足未暇續輯今距先大

夫之歿已八年矣後稿於去年請 叔父編輯
將並請序及續訂年譜今春又復見背抱恨終
天竊悔于役粵東蹉跎歲月嗟何及乎子弟輩
見聞不及恐無以述先德于將來不得已謹就
所記憶者續成一編以付剞劂至生平造就人
才孜孜不倦如洪爐鼓鑄偉器紛羅不遑殫述
知其閒挂漏尙多焉

嘉慶十五年歲次庚午十月望日 男敬樞 謹述

年譜

完

白華後稿目錄

卷第一 奏摺

丙午科監臨京闈奏摺 丁未立春日雪報摺

戊申正月十二日雪報摺

己酉正月十二日雪報摺

耕藉禮成優予獎叙謝摺

御製集石鼓文製鼓重刻序 御製涇清渭濁墨刻

謝摺

賜論語集解義疏謝摺

辛亥正月十四日雪報摺

白華後稿 目錄

弟省蘭以侍講試擢詹事謝摺

再任順天學政謝摺

卷第二 符 雅

六符 一首 謹序

聖駕釋奠臨雍講學禮成雅 八章 謹序

卷第三 說

說雍 謹序

說傳 謹序

說壽 謹序

卷第四 序 後序

壬子江西鄉試錄序

癸丑會試錄後序

甲寅

恩科浙江鄉試錄序

乙卯

恩科浙江鄉試錄序

卷第五 碑記

重建德安府學大成殿碑記

勅封忠義神武靈佑關大帝當陽陵廟重修碑記

重修尚氏家廟碑記

河西務朝陽寺碑記

重修舊保安衛

聖廟碑記

卷第六

碑記二

重建玉田縣采亭橋碑記

鹽山縣移建

聖廟儒學碑記

白華後稿

目錄

增置保安沈貞肅祠水田碑記

勅賜雲峯寺重修碑記

南漚移建魁星閣碑記

卷第七

記一

湖北學署新修文昌閣記

湖北學署新增屋瓦記

光祿寺題名版記

順天府府尹題名壁記

松江義殯記

重修雲間會館碑記

卷第八

記二

重修順天府育嬰堂東西房記

重修華亭縣儒學署記

江西貢院至明堂壽章井記

松鱗閉戶圖記 勺湖草堂圖記

不佞求堂記 和韓遺訓圖記

卷第玖 序一

徐郡丞西湖舊漁詩序 霞蔭堂文鈔序

幽篁獨坐圖序 甌北詩集序

孟子四考序 冬集紀程序

仙壺蘭韻後序 韓韶集序

卷第十 序二

百華後稿 目錄

杜梅溪翦餘詩草序 春暉圖序

馮氏宋史詳節序 紫竹山房文集序

南匯縣新志序

韓少農世系感興二賦序

送述菴少司寇致事歸里序

卷第十一 序三

李載園杜梅溪時文合刻序

蔣氏家譜序 華陽敬氏家譜序

李仲節海門詩序 于役聯吟序

陸璞堂適園灌畦圖序 資陽張氏族譜序

卷第十二 序四

江西德化余氏家譜序 成都郭氏系譜序

蘇門山人詩存序 丁孝子旌孝錄序

孟子篇叙序 程愛廬雙松圖序

居巢陸氏族譜序

卷第十三 壽序一

陳母楊太恭人七十壽序

樊省夫六十壽序

于母王太孺人七十壽序

丁簡齋七十壽序 蔣聖木七十壽序

白華後稿 目錄

卷第十四 壽序二

邵梅林七十壽序

曹母朱太夫人八十壽序

侍讀學士王公沈恭人壽序

叙州朱茗翁六十壽序 任樹屏七十壽序

卷第十五 壽序三

寧州朱坦垣五十偕壽序

張封公七十壽序

陳母郭太宏人六十壽序

張母高太孺人八十壽序

王孺人壽序

卷第十六 策問 辨 釋

乾隆五十八年會試策問

乾隆五十七年江西鄉試策問

乾隆五十玖年浙江鄉試策問

乾隆六十年浙江鄉試策問

辨諱 辨猥

釋吳

卷第十七 解 說 原 贊

一貫解 說 坵

白垂後稿 目錄

說節送汪輝祖之官寧遠

周小濂改字肖濂說 原繆

遵義唐敬亭遺照贊 并序

卷第十八 書後 跋

書徐袖東所藏琴泉寺佛經殘葉後

書李穆堂初稿狂簡解後

書字林攷逸後

書所作韋公墓表並孔舍人所書傳誌銘後

書所撰說壽說雍稿後 徐袖東印譜跋

跋漢婁壽碑殘本 跋椒山先生遺囑底

卷第十玖 跋二

恭擬 勅封忠義神武靈佑大帝冊文跋後

為周光鏞跋其五世祖原博茂才詩牘

萬壽千字文跋

皇十一子臨絳帖跋

跋張文敏堂帖

跋出火大集方廣經

跋祝選樓所裝子手牘并其婦翁紆亭太守簡

札

卷第二十 墓碑 墓表 一

誥授通議大夫例授資政大夫天兵部侍郎湖南

自華後稿

目錄

六

巡撫都察院左副都御史查公神道碑

閔處士墓表

誥授中憲大夫高公墓表

邱孺人李氏墓表

例贈文林郎廩膳生羅君墓表

卷第二十一 墓表 二

勅授修職郎溧陽縣學教諭贈中憲大夫日講

起居注官翰林院侍讀學士韋公墓表

文林郎寧波府儒學教授存齋周君墓表

封登仕郎四川蒼溪縣典史附監生俞君墓表

誥封朝議大夫工部營繕清吏司郎中候選州
同邱君墓表

誥贈朝議大夫例晉中憲大夫前進士孫公墓
表

卷第二十二 墓表 三

誥封中憲大夫山西道監察御史例貢生吳公
墓表

誥封太宜人張母陳太宜人墓表

誥封奉政大夫例晉朝議大夫京畿道監察御
史歲貢生內廷供奉雅堂沈公墓表

白華後稿

目錄

湯進士墓表

中憲大夫銘茶吳君墓表

馳贈奉政大夫翰林院庶吉士加三級顧公墓
表

卷第二十三 墓志銘 一

誥授朝議大夫內閣侍讀學士費公墓志銘

誥授中憲大夫光祿寺少卿沈公墓志銘

誥授光祿大夫刑部浙江司郎中前刑部左侍
郎杜公墓誌銘

賜進士及第湖南辰州府知府諸公墓誌銘

誥封中憲大夫前河南陳州府知府張君墓誌
銘

勅封太孺人彭母歐陽太孺人墓誌銘

卷第二十四 墓誌銘

贈中憲大夫因亭陸公墓誌銘

朝議大夫廣西梧州府知府前長蘆都轉鹽運

使運同孟君墓誌銘

誥封奉直大夫累晉朝議大夫湖南辰州府知

府稿菴陳公墓誌銘

中憲大夫掌湖廣道兼掌京畿道監察御史程

白華後稿

目錄

八

公墓誌銘

中憲大夫福建分巡延邵建道賈公墓誌銘

朝議大夫福建福寧府知府蓉溪繆公墓誌銘

卷第二十五 殯表 殯志

李母葉宜人殯表

封安人王母黎安人殯志

誥授奉政大夫順天府西路同知黃君殯志

封文林郎直隸武邑縣知縣杜君殯志

桐鄉廩生金熙泰殯志

卷第二十六 曠志 墓碣 厝志 事畧 祭文

誥封夫人晉贈一品夫人元配查夫人墳志
例贈文林郎歲貢生蘆溪朱君墓碣

吳君虹若權厝志

旌表貞孝宋查氏事略 祭沈華萃光祿文

祭曹習菴學士文 下沙先祠焚黃祭文

查夫人焚黃祭文 擬關帝加封告祭文

卷第二十七 古今體詩

少林同年載書圖

以下
癸卯

正月除日餘菴少林袖東枉集虛舟得池字韻

二月十四日雪

白華後稿

目錄

玖

研齋觀察峴首曉行圖次韻

寄題天門文學泉次王元之韻

四月五日同王青聯周懷助送春劉氏園亭

題黃鶴山亭圖送考陂方伯之晉

徐敏菴荀龍刺史夢入山與三開士談禪覺後

惟憶引佛經過去心不可得現在心不可得

未來心不可得三語爲圖與詩卽次元韻

次韻題王蓬心江樓餞別圖送吉人觀察之鎮

筭圖爲戊戌送
吉人入覲作

次韻苔約軒宮贊見懷附章作

桂林陳瑞人節行詩爲梁山令蕭某之外姑

祝澂齋水流雲在圖照

雲中山水圖爲研齋觀察作

采菊東籬下得東字

宿藥城竹軒中丞自京入滇子名紙錄示近作

時帆少司成溪橋詩思卷

餘菴自鎮尊入都以馬見贈

卷第二十八 古今體詩二

卓峯侍御視學廣東於署左淤池中出所謂九

曜石者池卽南漢仙湖與藥洲通而一石不

白華後稿 目錄

十

知何時落藩署卓峯自爲之記復爲蓉陰洗

石圖題二十六韻以下甲辰

七夕礮士少宗伯席上飲榼盃同習庵涵齋作

七月八日劍亭涵齋招同梁鐵幢景毅江莊羹

堂周駕堂集嘉樹書屋

重陽後一日梁副憲冲泉澹足齋看菊

九月十八日懷柔山上夕眺和韻

爲研懷舍人題令祖垂書文梅花集句卷

桂堂戶部購其從祖一邱翁畫山水

題陳文莊閣耕軒詩後

爲沈維坤比部題令祖健庵司諭遺照

儲生嘉珩家隨之安居鎮澆水經焉丁酉三月

生應拔貢試燕羣至其所爲雙桂堂者垣壁

楣棟皆滿十餘日始散生被舉其尊人改題

曰千燕堂予嘗錄生第一生投詩二百韻頃

至京言其事因成十六韻

德輶如毛得倫字

題姜巢雲松鶴寄壽種石兄

興化趙九鼎寄杖圖

題六根清淨圖送澹園歸西湖

白華後稿

目錄

深蒼明朝賣杏花得天字

卷第二十玖 古今體詩三

三月廿日廿一日

賜內直諸臣文房清具臣省欽得文竹都盛盤一香盤

三眼鏡一恭紀以下題葛山先生觀海圖

籀石侍郎爲慕堂學士圖中峯五松偕扈盤山

時作 潤物細無聲得無字

葛山先生澄懷園二十友圖

爐烟添柳重得添字 千章夏木清得潭字

解帶量松長舊圍得圍字

兩敲松子落琴牀得敲字

畫蘭

梅竹畫扇

題扇頭貼絨梅竹

端陽小景

到門不敢題凡鳥得凡字

城外青山如屋裏得山字

鐵馬和韻

鎮心瓜

深樹馬迎嘶得嘶字

送葛山中堂歸漳浦恭依

御製詩韻

涓厓學士夢溪讀書圖

白華後稿

目錄

十三

觸搖背指菊花開得搖字

直到花間始見人得間字

一月得四十五日得工字

淪漣晚汎圖

修竹成陰手自栽得陰字

題繆秋坪硯山春曉圖照

顯微鏡

卷第三十 古今體詩四

小陽春

鳥獸毛毳得毛字

亦在車下得車字

穆如清風得清字

羊晴石

歲寒松栢得知字

敲冰紙得敲字

次韻門神二首一嘲一解

蓉塘宮贊鑑曲垂竿圖照以下丙午

張若州聽泉圖

張子畏觀察秋山歸騎遺照爲今字景運賦

壽雪副憲拜內閣學士之命奉次紀恩詩

元韻

賜鄭宅茶詩次韻

書白謙所寄金壺字攷

白華後稿

目錄

程孝廉崑田說劍圖程有桃氏爲劍攷

程孝廉崑田臨董文敏書御書樓記

德清徐孝子景韓晨窓舐目圖

晴瀾太守小照四首

林凝香雪

雨漲遙岑

竹墅吟秋

海天浴日

次韻蒼馮考功時以宋史詳節督序

帶雨不成花二律次韻

卷第三十一 古今體詩五

人日和竹軒司馬韻丁未

廣餞竹虛司農次竹軒韻

皇六子手書臨帖二詩見示謹次元韻

垂雲助麥涼次韻 一樹碧無情次韻

雨後步庭前見盆桂初放次韻

蟹輸芒次韻 秋燕次韻

夜枕 一月三捷次韻

香亭少司馬鼓山觀海圖景

正月十八日集丙子同年竹軒侍郎曼丁未廣

謙韻見示奉和二首 以下戊申

詠硯屏次三講全韻

白華後稿

目錄

十四

二月除日戟門司農招集桃園阻雨未赴次定

圃師韻同惠三少宰作

蔗塘春泛二牘

楊忠愍公獄中所植榆苗後復榮

榆莢雨得青字 棲鳳難為條得年字

螢火不溫風得溫字

時帆學士蒲團宴坐圖

壽雪閣學扈從校射蒙

賜雀翎記 恩和韻

初冬侍 皇十一子校試武場以張尙書 照十

九歲時所書金人銘換乞妙蹟辱題張幅首
見示詞旨抑然並書是銘見貽謹賦三十二
韻

皇六子臨淳化軒閣帖十卷命題九言二十韻

十月既望題璞函丙舍授詩遺照時在京闈至
公堂監試武士冗次拉雜不知所云也

題蘭舟通議寫真 大風歌書後

金可亭司空早朝圖 筠心茶墨間

書武功張洲所撰崇慶牧常黼廷紀昔嶺殉節

錄後

白華後稿

目錄

十五

徐通守觀海自南昌運漕米來京以圓桌見遺

卷第三十二 古今體詩六

正月下泮約軒侍講瑤峯少尹戟門少農霽園

光祿枉集小齋竹軒庾帥亦至次日以詩見

示並以敝冠過窄在贈貂簷次韻奉荅以下

周竹齋舍節圖

時颿學士以所藏徐勝力袁杜少馮方寅李公

凱麗雪厓諸前輩冬日崇效寺雪公房看梅

詩冊屬題步止堂同年韻

高月峯上桂松泉圖照以下

庚戌

章葭邨司訓浙江觀潮圖遺照

張鹿樵上舍懸巖積卷圖

董四墓桃

次韻荅孫茂才世份

題王謙六履吉海運六圖

題陸挹泉冰所藏曝書亭硯銘拓本

蘄州陳良翼令諸羅名嘉義遷雲南州牧受代

將去會林爽文之亂後令被戕而賊護陳一

門賊退大府檄陳權縣事城復被圍陳守禦

兩月餘事平作圖索題十六韻

庚戌十一月赴約軒司成幼郎湯餅之會用金

白華後稿

目錄

共

圖前輩韻

卷第三十三 古今體詩七

劉蘄州念菽漁莊春霽圖圖宰雄縣時作以下辛亥

懷昉自津門至京就館金陵節署

永平試院有香樹司寇和李東懷孝廉三古松

歌松二在院後一堂後皆白皮四小松對峙

者近人所補種耳為系一律

豐潤董觀察漁山先生榕博學工文章北方之

學者未能或之先也癸酉甲戌間假館汀州

郡齋對談輒夜漏三四下童僕散去而抵掌

鼓舌無倦容其著述甚夥惜不盡傳最傳者
獨芝龕記耳頃過縣中有感而作

薄病淡旬記癸酉冬假館江州郡齋恒岩先生
以予偶抱寒疾每日問視數至半月霍然此
後亦未有抱疾至旬者頃童錄豐潤有董光
璫者詢之其猶子有子作尉湘鄉感成一律
嘔血兼旬顛懇辭任養病

命以

省蘭弟 邁行至潞受代

寄題夷齊廟

潘皆山明府月下荷鋤圖

福蘭泉太守以詩稿見示卽題其後

白華後稿

目錄

七

青浦圓津菴靜公雲烟供養圖

春江水暖鴨先知得江字

八月十一日恭和

御製留京王大臣報得透雨詩以誌慰元韻

恭和

御製喜晴元韻

恭和

御製漕運總督管幹珍等報得雨及南漕全抵天津情

形詩以誌慰元韻

恭和

御製觀瀑二首元韻

恭和

御製獅子園卽事元韻

恭和

御製詠旒檀林鳳尾松三疊乙未舊作韻

恭和

御製閱射元韻

恭和

御製鏡香亭對荷有作元韻

恭和

御製倉場侍郎蘇凌阿劉秉恬奏報起漕全竣詩以誌

慰竝均予議敘元韻 恭和

御製西照有會元韻

題石渠觀察西行圖記

題寶菴侍御種竹清照

卷第三十四 古今體詩八

白華後稿 目錄

恭和

御製賦得王道如龍首得龍字元韻

恭和

御製啓蹕避暑山莊卽事元韻 恭和

御製過清河橋卽事雜詠元韻 恭和

御製曉行一律元韻 恭和

御製出古北口作元韻 恭和

御製至避暑山莊卽事元韻 恭和

御製永佑寺瞻禮元韻 恭和

御製題繼德堂元韻 恭和

御製西峪元韻

恭和

御製題秀起堂元韻

恭和

御製夜雨元韻

孫直堂擢刺永豐徠灤候 觀會田秋坡 灤亦

至自渭南信宿遂別共覺黯然爲成四律

余參軍 定廳 小照

小暑前二日同在集灤陽試院寓齋裴山賦

詩見示次韻

賦得擲地金石聲得心字

卷第三十五 古今體詩 玖

白華後稿

目錄

或

聚奎堂次洽亭少宗伯韻卽呈石庵冢宰 以下

洽亭少宗伯以行楷草題扇見遺乞石庵冢宰

作楷其背

癸丑十一月題吳 名照 白菴畫竹小幅送傳慎

齋 謹身 歸蜀 輓坦園孫觀察

芝軒修撰秋帆歸興圖

遵義楊某未婚妻尤守志詩

伊雲村光祿梅花書屋圖卽送其歸寧化 以下

正月八日東皇師同韋鴻臚褚學士餞送王述

菴少司寇和約軒韻

正月九日奉

勅恭和

御製重華宮茶宴廷臣內翰林復成一律元韻

以下乙卯

正月九日奉

勅恭和

御製新正紫光閣茶宴外藩元韻

正月十七日有感

莫青友京尹宣南坊寓齋臨川穆堂前輩故邸

也秋岳慕廬諸公先居之見謝山紫藤軒記

京兆以橫街舊寓有絳桃海棠白丁香各一

白華後稿

目錄

二十

顏曰三華樹齋遂於軒西南結三楹亦植此

三者並仍其名繪圖索句爲成二律

譚孝女刲臂療母詩

有序

爲光山胡公少宗伯補諡文良作卽用雲坡尙

書紀 恩原韻

爲金素中太守題臺海歸帆圖

汪古愚

本直

刺史于忻州葺遺山墓

卷第三十六

古今體詩

十

正月四日千叟宴恭紀

以下丙辰

恭和

聖製新正紫光閣宴外藩元韻

法時颿祭酒梧門讀書圖

二月七日發良鄉大風晚宿高碑店

保陽試院柏乾隆己未西蜀倪象埏守此所種

今存者十二三耳屬在幕諸子同和

定州試院後樓題壁多舊識者莆塘則華亭陸

大令惇宗瘦銅則吳縣張舍人墳皆入幕而

來前學使亦多和韻之作

孫蕉石麗京刺史連日餉冬笋

小極試鼻烟戲作

白華後稿

目錄

三

以冬筍詩報蕉石則云葅餘杭徑山筍熟之者

用前韻解嘲

地毬銳上平下馬射中此爲工技士有作

三月十六夜望開元寺塔燈和楊慕婁韻

定州院齋紫丁香和韻

定州使齋有木高廿尋雙幹枝葉類槐榆風甚

則液自枝間飄墮如雨湘潭朱進士聲亨謂

在楚曰樟其良者作器樸緻粗者不材液點

地卽蘊蟲按樟山榆卽耶榆本作榭榆說文

以爲松心木榭之從備文異音異而訓不異

目見而知詩以記實

題趙州試院樹人堂 并序

冀州送杜武邑 羣玉 梅菴歸養崑山卽用留別

韻其末並寄李玉樵筠心載園

永年新生院化龍叩之故阮姓百餘年前某提

學改爲院家譜可據因復其姓而更名猶龍

題廣平院槐一律 五日題圓津寺 有序

阜城枕頭瓜

錄饒陽武童十五名其四師何慶麟其六師段

鍾華何段皆以技名而老武童不復試感作

白華後稿

目錄

三

題紅橋載酒圖 有序

南皮張烈婦詩 有序

題笛樓司馬叟宴絕 恩詩後三絕

卷第三十七 古今體詩 十一

恭和

聖製新正重華宮茶宴廷臣及內廷翰林用平定苗疆

聯句復成二律元韻 以下已

三月廿三日穀雨玉田行館牡丹言有白者次

壁間韻伴榮孝廉韻

豐潤行館海棠歌 有序 遷安食卜梨

四月望後重過玉田觀白牡丹示李生

同游諸子見和白牡丹詩再疊前韻

永平食黃花魚卽吾鄉之石首而小津門亦有

之皆海產

土木顯忠祠

新保安謁沈貞肅祠

謁清節祠 有序

戲題水墨達摩

休寧鮑氏墓圖 有序

俞貞女所畫女貞木

題查榆墅丙弟遺照

八月一日東兵將由陸入楚乃泛舟津淀旬日

抵省作

重陽登定州試院後樓次壁間韻

重陽後二日登鎮州試院後樓

白華後稿

目錄

三

十月七日午飯雨花菴張平山 詩濤 以滌松草

急遞索題用壁間吳文簡 襄韻

重憩雨花菴示滿公次壁間韻

邢州試院與金力農 世熊感舊

十月八日重過圓津菴示月如上次章指方

恪敏養痾修寺及令姪來青觀察重修事

題于益亭太守見示文襄公送殯詩卷 附于文襄作

和壽雪少司寇丁巳八月二十七日六月初度

時扈

蹕回至兩間房途中誌興元韻

卷第三十八 古今體詩 十二

二月初八日同紀宗伯時慶金二司馬桂士松趙

少宰作蔣韓二司農賜宗室倉帥宜與熊

司寇枚蔣廷尉日汪副憲承莫京尹瞻

蒙蒙衛侍御謀集劉倉帥秉恬寓而梁司寇肯

堂居賓席次日司寇復邀集于劉寓和劉紀

二公原韻以下

德厚圃侍御生寒香課子圖

爲法司成梧門題所居西涯十二景

詩龕 松樹街

白華後稿 目錄 五

清水橋 鰕菜亭

淨業湖 積水潭

滙通祠 慈因禪院

李公橋 豐泰庵

慧果寺 十刹海

彈琴峽 沙城雨

食蕨 補竹圖照以下

徐臨泚以食不重味見讚次韻酬之

子與臨泚斷酒已久田各可耕用幟前作

姚一亭觀察采菊遺照以下

庚申季秋十八日予初舉子名曰敬沐喬鷗村

同年以詩見賀次韻二首

徐玉崖觀察寄書馳賀並以如意藏佛惠存再

疊前韻

祐堂姪自下沙來言聞喜甚速三疊前韻並寄

八姪都中

得稷堂弟書四疊前韻

送喬氏女歸上海五疊前韻

竹橋姪寄諸服食詩以報之並寄槐江南陽軍

營六疊前韻

白華後稿

目錄

三

寄立厓同年七疊前韻 玉崖和詩再疊前韻

庚申生日用舉敬沐詩韻

卷第三十 古今體詩 十三

題立崖天遠歸雲圖 以下辛酉

徐香沙秋江觀濤圖

陸雪堂松下聽泉圖照

題鑑堂太守松石泉清賞圖并送其秩滿行

觀

題唐翁澤琴鶴圖

楊挹峯 釋 小照

次張悔堂司訓原韻贈徐楚畹茂才 以下壬戌

劉生鳳千有陳供奉
折枝牡丹曾題句而失
之頃自郡返舊林見鄰園此種甚富而生書
堂前數本子下榻時所吟對者尚無恙也補
亡感舊依清平調作三絕

恂齋松間泉石圖

陸息游自鋤明月種梅花圖照

陸廷珪雙梧草堂圖

湖州徐研田因其室衣有墨漬作蝴蝶花草點
之孤固亭城從其姊乞得屬祿手翦作十六
幅裝冊自隨乞詩癸亥

白華後稿

目錄

三

卷第四十

詩餘

摸魚子

題金庭書館

金縷曲

尙濂寄玉帶鈎

摸魚子

寄題蓼花湖舫

疎影

用白石道人韻題顧伴棗孝廉

梅邊吹笛圖

桂枝香

又瞻桂林小照

秋圃雜咏九闕同人集聽鐘山房作

減蘭

咏蟲聲

桂殿香

咏秋蝶

風蜨令

咏牽牛花

賣花聲

咏柿

臺城路

咏豆花

柳梢青

咏蒲桃

百字令

咏薑

桂枝香

咏萊菔

買陂塘

咏葫蘆

金縷曲

兩窗轉檻山東時為秋林待鶴卷旋移
浙移長蘆丙辰秋秋索題詩距圖成蓋

六年

金縷曲

題雲坡大司
冠四友圖照

百字令

為方葆岩太夫人
七月十七七十壽

百字令

司馬浴川師
七十壽

右存文一百五十五首詩三百二十九首附

作三首詩餘十八首



三

金縷曲 兩窗轉檻山東時為秋林待鶴卷旋移
浙移長蘆丙辰秋秋索題詩距圖成蓋
六年
金縷曲 題雲坡大司冠四友圖照
百字令 為方葆岩太夫人七月十七七十壽
百字令 司馬浴川師七十壽
右存文一百五十五首詩三百二十九首附
作三首詩餘十八首

白華後稿卷之一

南滙吳省欽沖之篋

敬樞星宰

男 敬沐起元 校字

奏摺

丙午監臨京闈奏摺

乾隆五十一年

臣遵

旨監臨丙午科京闈試事查生員中實年八十以上而入學時業已少填年歲者二名貼出二名近年入學者六名均不計外其自雍正元年至乾隆十年入學者侯鏌蘇彩飛王泓梁元鈺四名又國子監咨送山東恩貢劉子旭一名現俱三場完卷伏念我

白華後稿

卷一

一

皇上德躋仁壽道契文思環璧水於橋門宏敷解額讌華筵於杖几廣邵耆齡鄉飲興賓遞譜由庚之咏星躔紀史適符見丙之占甄陶已遍羣倫沐浴倍深近甸當青瓊守業而尙戀朱衣斯白蠟研經而勿忘黃卷臣近光有幸將事維虔月路風簷喜多士尙無越畔蒼顏華髮觀高年復事觀場謹核各該生入學時所填年歲據實繕單呈覽

丁未立春日雪次早即報摺

伏查今冬雪澤尙竚優霑向三素以迎祥與六花而競瑞麥畦滲潤真自葉以流根穀府涵精定乞漿而得酒

迓北斗朝真之序慶衍元辰似淮西平賊之時懽騰竝
海屢豐協兆大有登書

戊申正月十二日報雪摺

祥迎除日旣沛甘霖禮洽 祈年載霑宿潤三白疊徵
於半月五花適候以一風由歲序而卜金穰銀華播彩
及春嬰而符穀熟瑤樹流膏萬井臚歡鯉淀之恩波倍
廣六街効竹鼇山之盛事增輝澤寧扶寸雨自依旬

己酉正月十二日雪報摺

德臻樂壽治應中和香篆凝 齋祇奉

祈年之典星毬映采將迎元夕之期計臘前遍出六花

白華後稿

卷一

二

尙留滲漉看春到適交三日大沛霏霏略疑起絮之風
乍飄乍止好接含膏之百旋積旋融東陌興農共卜椒
馨酒旨南交振旅不勞柳往雪歸官府臚歡耆黎抒忱
耕耨禮成優予獎叙謝摺

皇上政洽有恒訓垂無逸寰宇竝躋夫 壽域舖熟三

登耆黎共樂乎春臺脞昀萬井計得酒乞漿之歲小卯

宜耕恰佳晴旣雨之朝元辰協筮青旂夙駕農祥正見

方壇黛耜從公田峻願勤終畝敬洽一壑祇候 三推

原隰告平久窳流膏之澤陰陽應叙不需問喘之勤播

穀種以盈箱萬箱肇慶奏禾詞而結耦千耦臚歡頌至

健之

天行純常益懋仰先勞於

帝力作息皆安

臣等

猥承

董勸之殷得與奉鞭獻種

方切鈍駑之媿僅同埽路清塵何意

殊恩特叨

優

叙光依日月慶康強逢吉之庥利溥農桑矢明作有功

之悃

御製集石鼓文製鼓重刻序

御製涇渭濁墨刻

謝摺

伏以 文垂雅頌

治采風詩

辟雍之政理維新用

昭法物

懿戒之訓行早切化洽澄源載溯西京列鼓

白華後稿

卷一

三

詎同於魯薛肆言東狩遺文僅顯於張韓或鑿曰而存

窠若填金而運橐不逢修訂致殘缺之多年

特命編

摩信光華之復旦按甲乙丙丁之序綴腋成裘仿雷靈

路晉之形破觚爲器從此摩挲舊製寧嫌牛礪童敲祇

今 審定鴻章如剖瀾灑澆素秦川在望邾什重賡緣

沙淨而知涇水之激卽泥渾而識渭流之膩凡 咨牧

省成之意

著示瑤篇粵

尊經稽古之思 惠頒琅

笈 臣學疎考鏡職濫乘輶同馬攻車班未隨夫表貉揚

清激濁志倍凜於濯纓

賜論語集解義疏謝摺

欽惟 治煥堯章 心涵孔義 論思密勿集條理於

大成 語道從容疏淵源於古訓維玉書啓聖生長在

魯宋之邦迨木鐸承天譔述徧偃商之侶廿二篇謂之

齊學章句較多十三家授自漢儒流傳漸廣何晏彙諸

人之說皇象起後裔之賢時值蕭梁官居散騎序其要

旨每同釋詁之文疏其滯機深得讀書之趣名著尤晁

之錄鳳閣尊藏光生齊魯之編鯨波遠泛爲問齋然作

鑑應隨七略而陳試稽井鼎新棗具載七經所考顧鮫

涎易汚求半部而無從迺麟髓斯馨冠四書而特布稽

古則漆彫鬪穀延閣遙窺考義則蔬食纈衣圍橋式聽

白華後稿

卷一

四

五雲攜到光圓泗水之珠複壁聽來響振尼山之鐸高

句麗之本不待重繙陳振孫所題何妨再補信懸金而

罔購幸授槩以先陳臣伏案咿唔發函跪跼堂名温故

新承 日月之光華家擁賜書迴望海天之曠蕩

辛亥正月十四日雪報摺

乾隆五十六年

澤涵舊臘白驗三番脈發新春青占一棧迓上元之令

節火樹星浮居中候之祥符瑤華月映幾望而筭逢二

七陰德儲精乘時而耦紀十千生機蓄潤從此依旬雨

到飽看九穀之登卽今盈尺膏流快觀五花之出歡臚

紫陌慶溢黃圖

弟省蘭以侍講試擢詹事謝摺

臣江介寒門瀛洲下乘猥從

御試倖冠清班京尹

改遷六載再逢考績秩宗備佐一時復畀衡文俱夢想

所不敢希欲報稱而莫由效至

臣弟省蘭幼隨佔畢本

無對日之才壯列科名輒被凌雲之

賞屬當考校載

荷披掄方授簡以旁徨迺躡資而晉陟憶昔櫻桃霑

賜忝標第一之名祇今黷黷承輝如唱登雙之獲後

先與試驚思廿四載以前兄弟回升驟列二三品之內

送聯翩之鵲喜寵極逾驚沐浩蕩之

鴻慈感深倍

悚雖無私之燾載裁者斯培而踰格之高深欵則易覆

白華後稿

卷一

五

撫衷自省逾分難安

乾隆六十年

再任順天學政謝摺

乙卯十月間

臣自浙江典試回京在嘉興途次接准部

咨內開

上諭以

臣提督順天學政伏念

吳省蘭

菰蘆陋質鉛槧庸才並無一得之愚虛負十年

之長倖邀

知遇考言而俱冠詞曹自佐寅清教士

而猥先輔郡會值沈疴之抱顛陳解任之私仰蒙

聖主鴻慈曲加俯軫俾

臣弟省蘭

邇來接篆

臣得於乾

隆五十六年夏秋間優游累月調護多時沐

再造

之恩施感切生生世世忝二難之流品愧深弟弟兄

乃者未返使程載宣 温命以近畿素稱首善徇鐸
需人而微臣舊序肩隨循環受代譜玉堂之故實幾疑
雨露較偏膺文枋於密都長奉 星雲有倬感
深倍惕榮極滋慚

增上海喬淦玉繩覆校

日華後稿

卷一

六

白華後稿卷之二

南滙吳省欽冲之簪

敬樞星宰
敬沐起元
校字

符雅

六符一首
謹序

乾隆四十玖年

臣江鄉顓陋往以

六飛載幸之歲奏賦通籍自翰

林

御試累第一洊陟卿寺今年春孟

皇上六

幸南服治防河海施布

德惠合前典若符節符之

制篆玉剖藏有事則合以徵信志符瑞者理不足據也

言符命者事不足述也泰階六符占自軒后妄襲斯名

譔錄一篇紀

聖符合六之非偶拜手稽首而稱曰

白華後稿

卷二

一

傳曰天六地五數之常也日有六甲辰有五子周而復

始太極中央元氣然也然天地之數皆五五六為中數

人受天地之中以生事舉其中禮取其和近之所以斂

福遠之所以位天地育萬物也

上紀元長世越丙

辰至今甲辰於紀協大衍之用月在履端緝五載一巡

守之禮指南導

鑾是維次六仰維

聖祖仁皇

帝六巡江甸鞠謀民隱嘗

親莅河干度清口之

西之陶莊醜渠使北歲月洊久績成有待我

皇上

二十二載以前兩紓江浙之駕濬深培薄申率舊章黎

民滋懼哉商邑五遷蚤患河圯禹績之績務審勢而利

導之河強淮弱洪河憤而助淮下游其魚厥憤始洩若
河流回漾入淮二瀆鬱停實渺中策何論上策焉

皇上紆視再三標立水誌高堰之水計寸斯清口開洩
之水計尺若陶莊疏分之支受享瀆宗奔騰赴海海於
物最鉅其在會稽餘杭間者南坍北漲各捨中壘屬薪
壘土弗鞏扞蔽旣植椿如梅之瓣鳩工飭材鱗石相次
戴橋西四千餘丈墉如砥如拚土夾溝柳栽綠滿凡僚
庶百執事千慮弗獲

睿照一周洞若觀火若范塘
工役內帑載頰今費視昔安瀾鎮海貞符炳矣孔子稱
舜曰大知孟子稱禹亦曰大智智者達天故樂水智者

白業後稿

卷二

二

達理故行水水壅故害水歸故利水源河委海頌時邁
言及河般言翁河序以謂巡狩時祭望之作而不言海
虞周書言巡狩或五載或十二年言方岳不言河海非
載筆者詳舉他政而於河海從略也通水泉相原隰誦
王寧者祇以召伯之成卽滌源陂澤親乘四載皆禹作
司空未爲天子時事我 皇上九重之貴萬千之壽

闕三月之久往來七千里上用繩

武下用求莫

孜孜惟日欲至於萬年自生民以來信乎其未有也或
曰天一生水地六成之 聖人與天合一而展義度

方自一至六故水之績以成或曰乾陽爲龍能保安會

合於太和故六龍御天有保合太和之道或曰律呂各六律有長六寸者所以含陽之施楸之於六合之內地振河海以兩地得參天之數故先後徵舉 六巡象天地之博厚高明悠久而萬物以之覆載成也數以中合體必以中正不偏不倚中也實敬也物以誠動心以誠求不貳不息誠也實明也則壤成賦揚域浩浩烟井湫藪懸在旦夕河海之烈詎堂坳咫尺之汜溢哉民視民聽惟 皇敬 天不以己溺之心測之或速效

而久弗要敬未至也思艱圖易維 聖明理不以在宥之心體之或好問而邇弗察明未至也由敬由明而

白華後稿

卷二

三

釋之中釋之誠誠者聖功之本王道之全無時無事不然是故賚粟帛存問高年猶是也而齒邁期頤秩以司成之寵渥慶疆吏晉級寮案猶是也而職視河隄懋以世及之賞延經途減租牢益緩課猶是也而省郭全蠲商竈竝豁之澤廣附學增額奏賦授官猶是也而仙源釋奠祕閣賜書之輝遠加以弛刑徒贍戍旅有事於名山大川以禮叩往代陵寢南蕃職貢之使次途成禮俾免稽候誼問布函夏歡聲動原野有此數者足以登軼三五轍七十二君之廷鄙禪亭爲螳埴啣御駿爲跛駕矧乃匪游匪度民用和睦婆娑鼓掖望歲願慰懷柔之

效彰清晏之休游若河宗應所越詰巨言上游之故道
復焉若海若炳靈如老卒言北塘之長櫓下焉嘉貺駢
臻勤思罔懈易風行地上有省方觀民設教之象昔聖
人處其易 今聖人任其難惟難惟慎用協克一孔
子復起有間然邪然非 玉鑿紆軫指事度物奉行少
盪孰抹之而孰補之貞固幹事體元長人貞元互根純
亦不已以天統言始於甲會於辰辰於十二辰有振美
之義以卦位言出乎震齊乎巽相見乎離離有重照之
象以洛疇言皇極位九疇之中其功操乎五事其應備
乎五福福莫如壽傳曰王者思睿則壽丹書曰恭則壽
白華後稿

卷二

四

睿卽明也恭卽敬也敬無不中中無不和順氣逢涌暢
垓泝埏一莖九穗之禾九苞獨觝之鸞登初郊椰

上淵懷吉謙葆素師儉弗以誌符瑞陽暈涉江郵置濫
告所然聞喜曾孫之慶燕及 五世天數用九五

數麗中書親睦九族以堯之高祖至元孫言詩駿惠我
文王曾孫篤之以孫之子而下言統舉略舉陳義揚頌
實非有疑然之元孫睹也族有九而元孫爲中數也身
其康彊子孫其逢吉 上聖德受申命本支百世屬

南東 六駕之會重孫毓稟凡血氣有衆尊親共戴巍
巍乎煥乎太史上言五六天地之中合黃帝合符釜山

堯甲辰在位時有是哉

聖駕釋奠臨雍講學禮成雅

八章謹序

嘉慶二年

臣惟君師佑民富教保庶我

皇上德與福偕生民

未有繼

列后之不緒歟

太尊之作人祥

風和氣與翱與游宙合榮鏡古文思文明之帝葭以復
加凡在含生負氣薄海內外熙熙焉蒸蒸焉鬯泝道德
之淵源祥洽仁義之林藪觀人文以化成天下易之爲
道也禮臣考典簪嘉慶三年二日土上丁謹修乾隆三
年

太上皇帝視學禮先期告齋及期

躬釋

奠於

先師孔子誠敬致孚懋儀三獻洞洞穆淵淵

白華後稿

卷二

五

乎潔齊若羹牆之見先後揆一焉雍宮莅止載啓

講幄若王公卿尹百執事下逮六館徒衆若聖支賢裔
翹首跂足圍橋門相睹聽者景從雲集揚蹈軒舞渙然
理順僉以謂明新至善教思无窮容保民无疆斟酌飽
滿一哉大哉游 聖人之門難爲言而學之貴講也唐
臣韓愈曰道德爲虛位仁義爲定名聖者之道德明新
而已帝者之仁義教養而已露雷風雨天之養天之教
也兵農禮樂聖之養聖之教也宰化以氣而萬彙昌達
流以原而百谷集純德駿業盤衍布濩之幾沛乎不可
禦也淵乎不可測也天地之經緯曰文聖人禮樂政刑

之治皆曰文統言治則廣大專言文治則高明洪惟我
太上皇帝六十年來文德敷洽日月常新經史之本原
諸子百家之枝葉六府三事之綱紀法度含咀綜括洋
洋 聖謨在 御文編集三在 御詩

編集五焜煌紉緼伏覽快睹誠刪定贊修之業也四閣
徵書羣經樹石蒐遺補闕埒繆訂頑誠博文約禮之旨
也立學逮遠設科 推恩莘莘濟濟作人光化至乃

心傳華殿金聲宣衆無歲不然若

省方

觀民設教

法駕親詣

闕里至再三四祇敬益

虔惟

至人能自得師是以文化之隆續天藻地

白堊後稿

卷二

六

超越繩契如重離之照四方久照萬古然則 宣聖集
成之詣 太上皇帝念典之心也 太上皇

帝念典之心

皇上日新之學也

皇上聖自天

縱當青宮毓德時

彝訓聰聽聞知見知克合符

契今

釋奠於廟視古之不立廟而於學釋奠何如

講學於學視古之於學釋奠而學不講者何如詩

雍雍在宮有來雍雍說者以爲指辟雍固未足信而文

王武王都豐鎬作辟雍豐之辟雍在郊鎬之辟雍在國

中胥西東南北四門之學無思不服蓋謂是建學化民

民知所以教所以養洽統道統大學之道在是太學之

道在是而謂是藻飾彌文沿樂襲禮云爾哉

太

上皇帝君師統合尊禮 孔子於廟易黃瓦置彝器於

太學濬 辟雍建 園殿大昕鼓徵廣大悉備神人和

鬯天地訢合 傳心 傳政淵源一貫古作

述無憂之聖其福能幾於千百之一二哉臣材質顯陋

忝視畿學猶周西南北四學拱服於鎬京之辟雍辟

雍肄雅頌宮肄頌頌及獻囚食菘之候也雅及鼓鐘舍

萌之序也謹循茲義摠誠竭愚撰雅詩八章備 採

覽焉其辭曰

惟 天垂象有爛星雲惟 聖是則煥乎大

白華後稿

卷二

七

交光被乎萬邦黎獻洎跂行喙息我 皇繹思曰時

建極曰時陳常曰誕敷我文德 一章章十句

瞻言 尼山大道斯統展視日丁惟春斯仲黃黃者瓦

秩秩者邊有芹有苳有醴有恮庸 奠幣于古先 二

章章九句

配饗次四則哲惟十廡東廡西羣儒是秩 咨爾卿

士酌言獻之有功則祀茂展上儀 三章章八句

彼哉泮水雍流拱璧漢京而降數典弗籍 詔曰

疏之如川與流如道脈與求於論於樂 作宮仙

洲四章章九句

旭日且矣卿雲爛矣

聲之振之觀聽粲矣

皇

曰勗哉爾吉士吉人越若明德越若新民貴德

太上敦臨千億春 五章章十句

十鼓輪困象天地數十器璘璠考周制度或位于庶或

薦于筵猗吉光之黜然猗

聖澤之沃然 六章章

八句

雍雍鳴鳳于山之阿九韶鏘鏘日中且和日管曰磬曰

籥曰羽三十六人象功以舞翠

孔思以韶武 七章章

九句

惟社受命惟學受成雲合霧埽卜師吉貞采繁祁祁獲

白華後稿

卷二

八

醜遠連匪今斯今

豐功十全仰

堯文猗

日懸契

聖德猗日宣无疆惟庥无窮惟教

聖作

聖述大學之道

八章章十四句

堯上海喬淦玉繩覆校

白華後稿卷之三

南滙吳省欽沖之簪

敬樞星宰
敬沐起元 校字

說

說雍 謹序

乾隆五十年春二月丁亥

皇帝飭法從服禮服祇事於

文廟六奏備作神人豫

和遂

詣彝倫堂更衣服宣講則乾隆三年聽講處

也當二十四年

上釋奠太學臺臣以建置辟雍請

格部議未舉四十七年

上臨度面勢

命給少

府錢率作興事鑿池壁圓中麗穹宇有門有橋古槐遠

白華後稿

卷三

陰役戴上冬禮簪茲日越王公百執事聖賢裔姓逮六

館生徒軒輦翔濟迺序於

辟雍之南候

駕臨講

敬止健行揆符合一稽唐虞三代而下人主歷年七十

上者紀年至五十者上下千數百年間世一遇至如

百五世一廷愉愉緝緝昔 孔子集羣聖之成爲生民

未有 皇帝以帝王未有之聖集帝王未有之福之

成惟是建國君民教學首善古辟雍之制與夫臨雍講

學之典有是名當有是實卽一端而我

皇上紀綱

法度禮樂政刑之全胥準此已以 臣僉昧利觀 國光

不揆不文謹譔說雍一篇拜手稽首而獻曰

古無辟雍之名至周始置王制天子曰辟廱廱通作雍
辟雍者天子之學於虞上庠於夏東序於殷右學卽瞽
宗周立四代之學合太學爲五學太學在東東膠又在
辟雍之東辟雍環水天子承師問道行禮樂宣德化多
就此行之其餘國子之學學禮就瞽宗學書就上庠學
舞干戈羽籥就東序學樂德樂舞樂語就成均此以知
太學非清廟成均非辟雍韓詩說辟者辟取有德蓋讀
若闕鄭康成禮注以辟訓明以廱訓和使天下之人皆
明達和諧其箋靈臺詩亦言在辟廱中感中和之氣而
大戴禮曰明堂外水曰辟廱是妄以明堂辟廱爲一也

白華後稿

卷三

二

蔡邕月令論曰取其宗廟之清貌則曰清廟取其正室
之貌則曰太廟取其堂則曰明堂取其四門之學則曰
太學取其周水圓如璧則曰辟廱是妄以廟學明堂辟
廱爲一也潁子容春秋釋例曰肅然清靜謂之清廟行
禘祫序昭穆謂之太廟告朔行政謂之明堂行饗射養
國老謂之辟廱占雲物望氛祥謂之靈臺其四門之學
謂之太學總謂之宮是妄以廟學明堂辟廱靈臺爲一
也魯詩說文王作靈臺以齊七政奏辟雍是妄以淮南
子文王有辟雍之樂指辟廱爲樂名也陋儒信之皆從
而述之要之殷太學在郊故文王辟廱在郊周太學在

國故武王辟靡在國在郊故曰振鷺于飛于彼西雝在國故曰鎬京辟靡自西自東自南自北無思不服靡或作雝朱子曰雝澤也說文無雍有靡靡从广讀若儼象對刺高屋之形四方有水曰邕故从凵毛傳曰辟靡水旋邱如璧以節觀者孔穎達疏曰璧體圓而內有孔此水亦圓而內有地猶如璧然此水內之地未必高於水外正謂水下地高故以邱言以水繞邱所以節約觀者臣竊以以水繞邱則必以邱起宮天子有辟靡諸侯有泮宮泮宮半於天子之宮也泮亦作頰頰池象璜圓池象璧地之上皆當有宮西漢末治明堂辟雍光武中元

白華後稿

卷三

三

立明堂辟雍靈臺三雍班固詩有辟雍湯湯之語而大戴禮固云明堂外水公玉帶所獻明堂圖亦環有水以雍訓和本融而爲川之義詩來雝論語作雍意漢時靈臺亦壅水故曰三雍若雝靡皆从川以水而言當从雝以宮殿而言當从靡楊慎引水經泮水一名雩水在靈光殿東南卽魯泮宮故址泮乃水名不得以泮林爲半林豈得以泮宮爲半宮不知古天子諸侯有澤宮今府州縣衛學之廟曰泮宮宮前有池池若半圭而京師有廟有學無池

辟雍作 辟雍殿殿之制既立故其文从雍不从靡

池圓象德圓 殿方象行方規矩之象昭焉天地之摠
合焉良以 釋奠之典數舉 臨雍之典再舉而彝

倫之堂可謂之學不可謂之辟雍今有橋有門有池與
詩注王靡水之外圓如璧者合有 殿與記所稱澤宮

者合講闡經訓丕變觀聽與白虎通所稱行禮樂宣德
化者合先舉 釋奠與記所稱天子視學祭先師先聖

遂適東序者合詩曰於論鼓鐘於樂辟靡大昕鼓徵臣
庶感化彼綴文牽義之徒或曰辟之爲言積也積天下

之道德雍之爲言壅也壅天下之殘賊或曰辟者法之
所自出本之以爲禮靡者和之所自生本之以爲樂附

白華後稿

卷三

四

會穿鑿本義愈晦惟禮統謂辟靡內如覆外如偃槃禮
書謂辟雍圓而函方陰陽之義與圓璧之義不背然言
辟雍不言辟雍殿則由知辟雍不知古辟雍有殿我

皇上因心作則所傳者唐虞三代聖人之心所行者
唐虞三代聖人之政所議者唐虞三代聖人之禮創建
非常洋洋堂堂懋敷 聲教仁敬孝慈信倫之所以

叙也天行健君子以自強不息德之所以純亦不已也
雖離乎 議道自己隆禮由禮不特視漢唐陋儒專

以辟雍爲習射養老處者意量固已霄壤卽文王在郊
之辟靡武王在國之辟靡其淺深廣隘夫豈可同日語

哉是故元明以來數百年未舉之典至

皇上而興

實則唐虞三代以來盡美未盡善之制至

皇上臨

雍講學將事豫備作 辟雍卽旋璧之邱作

辟雍殿

而天下萬世始以知彝倫堂爲國學太學

辟雍殿爲

天子之學殿取諸廣故詩禮竝从靡漢書从雍作

說雍

說壽 謹序

歲上章奄茂壯日月十有三恭遇我

皇上萬壽八旬之紀紀年則乾隆五十五年也易繫辭

曰天數二十有五地數三十今

聖壽紀十則紀年

名華後稿

卷二

五

當五紀年當十則

聖壽紀五前紀年四十五合九

五之數爲

皇上七旬萬壽茲紀年五十五爲天地

初合之數禾一熟曰年年从禾从千生萬萬生億億

生兆兆生京京生秭故曰萬億及秭凡天地之訖合統

於人人皇歲四萬五千六百較天地皇三倍之古人臣

之頌君曰天子萬年曰天子萬壽曰萬有千歲壽卽年

也歲也自萬而贏非自萬而圉也

皇上日強莊敬

自丙辰前未

御九五與紀年九五以前

聖神

文武之德若業館臣恭纂

萬壽盛典例不備載而

臣日在燾載戴天而不知天之何以高明與悠久謹竭

愚陋釋洪範嚮福始壽之義誤說壽一篇拜手稽首獻焉其辭曰

福者天所以嚮勸也福莫先於壽壽久也年齒也一曰壽也壽之得養之得也養非有他也和順於道德而理於義也神仙之訣服食之術無憂患思慮之悵泊然無爲聖者弗尙也祈天永命所其無逸也則何以曰仁者靜仁者壽也曰知仁一也仁者無不知知故動動故樂也樂莫樂於壽也知仁互宅動靜互根言動靜猶言中和言樂壽猶言位育也位者天地之壽育者萬物之壽也萬物之壽萬物之福之大者也我 皇上念之斂

白華後稿

卷二

六

之錫之也講者筵者三千叟抱元孫者二百有餘戶集試而首以皓也從耕而背以鮪也四男一乳雙穗一苗蠶以冬桐象以甸馴莫非育也何莫非壽也四方正供普蠲再三費也惠也金粟億萬萬計也偏蓄振貸無歲無之 豫游所經減租賦又不貲也福之富亞於壽

維 一人之富散之以馭天下之富故天下之壽聚之以獻 一人之壽也壽靜體也靜可樂動亦樂也

樂本和和本中中者天地之心也天地無心 聖人

之心乃其心時雨時暘時煥時寒時風位在天地者也

肅又哲謀聖位在 耄念者也耄通耄旄髦期倦於

勤非舜之言偽古文尚書之言也書言來備庶用徵

皇用建也五緯之汁七政之不忒海之委淮與河之原自然而位非自然而位也由山川鬼神等而上之至兩郊之大祀靡誠弗應靡敬弗格也格之必佑之佑之必壽之孔子於舜之大德以壽賅位祿名之全此其義也舜之德在大孝我 皇上覲揚 前

光啓迪後緒舉衣冠服御及舉錯張弛之道時對越也是 宗廟饗也舉語言文字及敬信節愛之道時

訓行也是 子孫保也舜之大知在用中我

皇上矩從衡懸準平繩直若河湟逆回先後伏誅與夫

白華後稿

卷三

七

海臺之耆定黎交之采入也猶是平準回平促浸攢拉之烈也中之發諸怒者然也元日布告中外篤慶與夫葺勝朝之陵廟封遠蕃之嫡胄也猶是卹巴渥錫之歸順嘉班禪額爾德尼之嚮慕也中之發諸喜者然也發動也未發靜也靜仁之體也中象也不中則不和不中和則不位育位育者 天所以疇 皇上也中和者 皇上至誠無息之所以格 天也不息

則久从卽壽也壽世者文 御文自二集以溯初集也

御詩自五集四集以溯初集也六詩之補四詩

之譜十鼓之摹則述而作也壽考者作人正科 恩

科自己酉以溯丙辰也諸科自
行在擢選詩賦以
溯經學之舉博學鴻詞之試也三館以輯四庫以成七
閣以建則巍而煥也而
上淵然不自壽也惟日孜
孜五十五年一日也卽萬年一日也而下訢然頌得

壽也衆人熙熙百千萬人一心也卽百千萬心心

一人也烏芾之集也外諸侯以其職來貢也其他鳴
鳴雁使若朝鮮暹羅南掌東由塞西南由徼也頂經巴
勒布也遣孫布魯特也宅南小邦之長蛾伏闕廷願附
陪隸古史策見未有也立壇者誦經也撤幕者張樂也
化城涌於綺陌寶炬燭於碧霄也曲巷而繡閣珠簾平

皇華後

卷三

八

地而畫橋丹嶂也華封人之祝幽七月詩人之稱觥皆
稱壽也至今日而稱

天壽也壽本作憲从老省壽
聲壽亦作壽壽書疇咨若時疇咨若子采是也其作

則田之耕治者也書九疇謂龜文象田疇錯落也其从

壽書疇若子工疇若子上下草木鳥獸是也誰也書言

疇者三一聲三義言壽者再聲義一也爾雅壽星角亢

也數起角亢是曰壽也軫十二度至氐四度皆壽星次

也然未足以語我
皇上之壽也與
天同用

蓋與天同體也雲霞日月
天之用日新而

天體今猶昔也禮樂政刑
聖之用日新而

聖體今猶昔也體主靜用主動動知也靜仁也乾之象曰天行健君子以自強不息君謂君臨天下子謂子愛萬民也八徵 念民迺申以五福之嚮 壽也以

壽嚮勸是謂壽也是謂久也是謂中和是謂位育是謂仁壽之統會夫知樂也

說傳 謹序

維

天眷佑我

聖清於昭烈光作求

世德景

祚純嘏萬斯年時罔紀極粵乾隆六十一年歲丙辰月

正戊申朔

太上皇帝御太和殿傳位

皇帝

白華後編

卷三

玖

自外廷以薄四海咸紀嘉慶元年燾載清寧民物和說蓋神堯以來四千百有餘載生民未有古帝王未有也禪舜禪禹中天稱盛要不一姓元會固然後之外禪無論已北魏延興祇以崇尚二氏禪代自逸唐高祖睿宗元宗宋高孝光三宗之世皆有內禪譬燭火之見太陽涓流之望瀛海讀韓愈對禹問語雖近正猶未繹自視自聽之義耳慈孝者天下之大經聖人之辭亦曰經易十翼有說卦至說夏禮殷禮職思文獻故識大識小尙焉臣曩獻說雍說壽二篇二以識 太上皇帝辟雍殿禮成之盛一以識 八旬萬壽萬萬壽禮成

之慶均媿不文絜承

褒賚際茲

傳位大

禮曠軼開闢雖雅頌之體難爲蹈詠矧敢以尋常符命之辭滋之褻越謹成說傳一千四百八十餘言推

上天符望之原暨萬世子孫臣庶無疆無期之祐拜手稽首進焉說曰

歲德柔兆曰丙執徐曰辰初曰元日出土曰旦傳曰授聖人之大寶曰位位傳傳政也政傳傳道也堯傳舜舜傳禹禹傳湯湯傳文武周公文武周公傳孔子孟子傳是道也堯傳舜舜傳禹傳禹傳是位也禹之位不能待湯與伊尹萊朱而傳湯之位不能待文武周公孔子孟子而傳傳位者必其傳政與道者也反之之聖無論矣孔子孟子之位不若周公周公之位不若文王文王之位不若堯舜禹禹傳子堯舜不傳子禮七十曰老而傳註傳家事於子也家有事國有政天子天下爲家位之必得由於大德其極至於得壽而祿與名在其中孔子曰唐虞禪夏后殷周繼繼世曰傳世父子相繼曰世三十年亦曰世禪曰代曰續亦曰傳傳位卽傳政傳政卽傳道傳道卽傳心心之在人猶之在天天何心以聖爲心聖何心以民爲心舜臣堯而堯之位傳舜禹臣舜而舜之位傳禹莫之爲而爲也天也

太上皇帝沖稔而

被

祖眷首祚而祈

天眷循六十年

一周之運繩數千年一見之

武先焉弗違後

焉奉若莫之致而至也

天也一貫三爲王王

者母地父天天仁愛斯民先仁愛其子天仁愛其子由
仁愛斯民民歸之天與之史之言內禪者無是焉經之
言外禪者由是焉舜傳禹之年當九十五歲孔安國謂
舜六十二歲卽位又三十三年乃求禪禹是也堯傳位
之年孔安國謂八十六歲堯年十六自唐侯升爲天子
在位七十六年時年八十六咨命與代是也堯卽位以
甲辰舜受終以丙戌辰者萬物之娠也伸也萬物舒伸
而出也丙者陽道著明也或曰炳也物生炳然皆著見
也首甲會子次甲會辰辰所再會則爲丙安國所說類
後出之古文尙書之言後之人依約推之今之

白華後稿

卷三

十一

聖符節合之無心成化榮鏡往典箕範之言五福來備
曾及此哉非莫之致而至者哉雖然福者德之致德者
福之基德若堯舜至矣茂加矣堯舜禹之德孔子以大
哉君哉有天下而不與盡之矣宰我之贊孔子又以賢
於堯舜遠矣堯與舜固君臣非父子矣今

太上

皇帝德之賢於堯舜民無能名

臣請名言夫

福

之賢於堯舜者

五世一堂不日而演次六視九

古文爲時文而志不必盡足道不必盡載若前明之江西四俊臨川五家其文不脛而走海內然求夫清真雅正入欽定四書文而無愧者不多見焉我皇

上闡釋經訓金聲玉振計

御製說經之文不下二

百篇莊誦一言卽一言而賅羣經之蘊是謂至文是謂大文臣下仰窺細測苟得夫百之一二以爲文則支離破碎與夫浮游不根之患舉可掃而除之而於道不以遠於舉文亦不以不利臣寒門末學自閤而館自戊子至今分會闈者三主鄉闈者五視蜀學視湖北學去年春自府尹超擢侍郎視順天直隸學疊荷

恩施滋

百華後稿

卷四

二

懼隕越每承

召對以

臣及臣弟臣

省蘭經進之文

優加褒許感激之餘愧汗浹背今夏

行在召見

諭

臣以古文要旨不啻數百言復以臣詩賦駢體文

當不及

臣弟臣弟

時文散體文當不及臣竝以臣父學

問當優其齋志舉場當由時文未善而枋文者不可不公而明

諭論再三

臣伏地感泣不克自勝謹以遇

合有命具對因念臣四躡鄉闈幸以迎

鑾召詩賦

一等欽賜舉人

臣弟

省蘭四躡會闈幸以奏進平定金

川文荷

褒嘉旋於國子監助教任內京察一等蒙

恩俟會榜後提奏得

旨一體會試成進士蓋

臣與臣弟科舉之文得半失半而戊子辛亥歲御

試翰詹諸臣之文臣兄弟先後受知拔置一等臣

比進說雍說壽一冊重蒙 褒賚光寵爛然臣兄弟

庶惟是詞賦及散體文之稍有以異於時而科舉之文

之不若人者大彰明較著矣語曰文章九命言應科舉

者命居九文居一也舉子以命自安謂之義試官以命

委舉子謂之不義臣以病起殖荒之後仰承寵命

典試大邦私衷感悚惟恐豫章之木七年難辨謹與諸

臣矢公矢慎黽勉心力合已薦未薦卷因其言以辨其

志因其文以求諸道於道不甚借而後繩之以法運之

白華後稿卷四 三

以氣飾之以辭采其論策諸篇亦或以規將來體用之

萬一蓋惟聖天子壽考作人教化軍治極千載一

時之盛異日者庶幾黼黻鴻業楨幹重任卽下之

亦弗愧循卓之名師儒之選而後道之適於治者不第

文之云爾已解額舉人九十四名副榜十八名竊循例

擇其文十三篇恭呈睿覽而臣颺言簡首如此

癸丑會試錄後序

歲癸丑三月會試屆期禮部請

簡考官侍郎臣吳省欽偕臣鐵保俱貳正考官尙書臣

劉墉司其事而

欽命四書題首以古今民疾次生知學知困知又次操
舍出入其次場五經文各發一題蓋是科始行五經並
治之令而春秋文主左傳參之以公穀二家一洗明永
樂大全專主胡安國傳取士之習檢校再四額取百有
二卷謹擇其詩文之近理而不悖於法者十四首進呈
御覽而臣退而思曰言者心之聲文辭之於言其尤精
者也筆之於書爲文宣之於口爲辭辭尙達意先在達
理理有未明卽辭有鄙倍其辭不鄙倍矣而氣之不養
則亦不足以舉其辭以達其理而心之理卒未克以明
理命於天者也仁義中正是也氣質之性命於天高明

白華後稿

卷四

四

沈潛彊弗友是也若狂若廉若愚又其下焉者也詩言
民質禮言民氣氣可該質猶之理可該性性無不中氣
則不無失中第三疾相埒而狂與矜胥出於愚愚果求
明雖困知亦得與於知之數而學知尙已生知抑又尙
已我

皇上聰明天亶坐照無遺而又好學深思從心而不踰
其矩蓋惟存存於操舍出入之幾而日孜孜於明人倫
察庶物具生安之德倍學利之功非直

御製詩文已也卽以文論而明徵定保與日星雲漢爲
昭卽以試事論而簡賢絀惡與風雨露雷爲教良以民

氣之不靖由民之心不存言心自知始言知自學始言學自六經始經者聖人之心之學卽聖人之心之道我皇上道聖人之道心聖人之心言聖人之言世法世則道洽政治仁壽位育民氣皞如士首四民誠知古學者三年通一經之義其秀者日知所無其頑者弗知弗措以之爲學則篤而實以之爲文則醇而肆以之守已居官則順而祥矜不爭而狂不蕩以臣至愚如椎斯鈍三十餘年來曲荷

生成墨膺文枋每承

訓問惟負疚於不殖之將落而知識蓋渺

白華後稿

卷四

五

高堅鑽仰萬不測一或以困而未知少異乎困而不學之民而民疾之不可染者亦兢兢焉操之心而已抑願與多士共勉之而已

甲寅 恩科浙江鄉試錄序

易書詩禮樂春秋謂之文青與赤亦謂之文青麗東赤麗南東南之人善屬文殆天地之氣爲之而運會開先則由北學學之統文之運也運者轉也轉之義猶之折故記曰折旋中矩浙江因折取義本名漸江其源一自天都一自太末佐以百川納以鉅海視江海所折入者大小遠近異矣然而自宋以來婺學台學四明學考信

六藝森若斗杓杭嘉湖三郡循是代與人握階珠家抱
和璧每一榜發浙西不啻大半此又一方之運會而其
陶冶鼓舞而成之者良由我 仁祖巡方過化衆

志不變加以我 皇上十六年辛未幸浙越今四十

餘年又其間丁丑壬午乙酉庚子甲辰 翠華游苾

士氣蒸蒸慮無不被濯刮磨冀以播揚 聖天子省

方觀民設教之至意 臣江左鄙儒由丁丑 行在召

試通籍中書洎登詞館每試蒙 恩拔自躋卿貳不

殖日落茲承 恩命主試是邦憶 臣自戊子主貴州

試其後主廣西試湖北試江西試又三校會試一襄會

白華後稿 卷四

六

試每見浙卷中乘視他省上乘焉越在己亥 臣以侍讀

學士襄浙試丙午 臣弟省蘭以編修主浙試私論浙東

之文於上江爲近瑰奇磊落而患不醇浙西之文於下

江爲近清和潤澤而患不肆不肆之害淺於不醇故遇

合亦因以易伏讀 皇上欽定唐宋詩文皆以醇

命之名至 欽定四書文非清真雅正不錄維揚

至杭八九百里間綴學之士向慕熙熙 存神過化

如會試江南卷未分上下江以前上江所雋不能下江

三之一也其明效也浙西東猶是也 臣又嘗伏繹

御製文以文人抒藻地志資考揚子之湖浙江之潮不

可以枚乘觀濤廣陵之曲江一語強爲比附

聖謨

洋洋竊奉爲讀書論文之法觀自揚至杭之文猶揚子之潮其水文上江與浙東之文猶浙江之潮其水武文也武也水之性也烏嶼之變遷沙岸之長落則其氣運也今江浙之文盛於他省浙西及下江之文又盛於本省則

聖祖

聖孫必世百年化成天下而觀

之象所云省方觀民設教記所云悠久成物也

臣均二元

嘗襄試江南語

臣正復相似本年合易書詩春禮題試

士士亦多自好量材甄汰黽勉冰兢不敢偕協衷敬事之忱若因其文以知其人古之人且難之

臣等幸以

白華後稿

卷四

七

景運之隆其間或有二三金箭備異時之

量使

是卽以人事君之義夙夜不敢稍斁者夫

乙卯

恩科浙江鄉試錄序

乾隆六十年六月丙申禮

臣宣

臣吳省欽充乙卯

恩科浙江鄉試正考官之

旨而編修

臣洪梧副之

儆裝戒行克期抵境監臨官以下紀綱整飭內外肅然如額錄舉人九十四名副榜十八名擇其文八首詩一

首策五首遵例進呈

御覽而

臣颺言簡首曰今之

試四書五經文規經訓也詩規文采也策規政體也試

有二而較重者首試誠以不明經義之一二卽無以知

政體之一二所謂窮經將致用也古鄉飲燕禮皆歌鹿鳴之三所謂工歌鹿鳴之三宵雅肄三也鹿鳴之嘉賓序謂羣臣朱子謂諸侯之使臣又謂燕饗通用之樂歌劉瑾則謂儀禮上下通用止小雅二南不知饗或上取燕或下就儀禮所存止諸侯之禮鄉飲燕禮鄉射大射諸篇稍及奏樂之制不可執以言詩鄉射飲鄉舉亦飲作鹿鳴詩者爲燕歌鹿鳴詩者不專爲燕故燕饗通用之說未可議也四牡勞使臣皇華遣使臣或以皇華當在四牡之前無足深辨惟皇華見春秋內外傳內傳五善以咨諏度謀詢當之外傳之六德韋昭於五善外以

白華後稿

卷四

八

周當之不知外傳明云懷和爲每懷咨才爲諏咨事爲謀咨義爲度咨親爲詢忠信爲周忠信爲周言咨於忠信之人卽內傳之訪於善爲咨也周咨一義韋昭乃分而二之魯穆叔以懷和爲每懷毛傳據以爲每雖懷和之訓鄭康成改毛訓爲私懷私懷而可爲德乎况末章傳明云雖有中和自謂常無所及非卽首章每雖懷和之訓乎皇華四牡皆五章鹿鳴三章鄭康成注禮時以周行訓至道以德音孔昭訓明德及至箋詩改周行爲周之列位德音爲先王之德教母亦以鹿之得食於野猶賢能之士祇奉德教野處而不匿其秀書名旣獻列

位漸登逮其職事是執尤必和懷審處此不特使臣然
凡士之與聞此歌者舉當擇以自處也此工之所以歌
三士之所以肄三也臣吳淞下土遭際臣聖時不次

遷擢屢任文衡竊考浙之榜開自順治三年於今六十

二科其主文者百有二十三人疊充副考者二趙青藜
邱庭瀝

再充正考者四李鳳翥彭啓豐
裘日修莊存與疊充正考者一王會臣
汾

何人斯於己亥以侍講學士充副考矣越甲寅以今官

復充正考今又疊充此任且三科皆恩科而今年

爲皇上紀元之六十年至治馨香協氣翔洽如河

間濟南泰沂徐淮臣所過境穡事已獲大半墉如櫛如

白華後稿卷四

玖

自揚至杭秀者垂實農土人僉稱嚮所僅見因憶臣就

塾初恭遇

皇上登極之年斗米不及百錢良由列聖相承

重熙累洽皇上敬天法祖勤民純

亦不已懋躋仁壽上下蒙福茲者又周甲子彼肆

三之士雖涉於利祿之私必勉於詩書之業臣等所發

之題咨諏度詢之義也舉子所上之文啣啣和鳴之義

也臣四試於鄉未獲與聽歌之列洎尹京兆會頌

御製補笙詩俾侑鄉飲試据古笙奏之典簫鹿鳴而笙

御製南陔一篇孝秀之實賅在

聖文異時游

與列位懷和將事以脩任使以廣 聖朝久道化成
之治庶無負肄三之教而 臣三至三折水之鄉或有賢
且能者書其名而先資以拜獻云爾

堦上海喬淦玉繩覆校

白華後稿

卷四

十



且諸首書其各而夫資以夫相安...
之治庶無負肄三之教而 臣三至三折水之鄉或有賢
且能者書其名而先資以拜獻云爾

白華後稿卷之五

南滙吳省欽沖之纂

敬樞星宰
敬沐起元 校字

碑記一

重建德安府學大成殿碑記

周立四代之學祀舜禹湯文王而不立廟孔子有廟惟魯而已其後立孔子廟於學學之堂曰明倫堂之後學官居之故學無不治者而廟則自春秋丁祭及月朔望郡邑長拜謁外間有摧敗不暇深省或省之而以謂可緩日積月久遂不可治予以辛丑二月按德安謁府學之大成殿丹簷暗剝梁木欲壞神像後葺席蔽之其地

白華後稿

卷五

一

當府治東三皇臺前宋淳熙年所度明洪武三年通判安桓移之東北隅至七年而同知羅子理徙復其舊者也明年春廬陵蕭君良玉自刑部郎出守是郡一見欲新之而工費繁重又明年政通人和出私錢購楹材四楹直八九十緡源湏口而上諸長吏亦輸錢數百緡克期以是秋庀材舉工而省欽當受代去循其請預記之曰君子將營宮室宗廟爲先學治而廟不治學之官不自安也顧其職冗散而不足於事權其祿又裁足自給修廟費輒數千百緡聖賢木主上兩旁風其間有古象未毀者蓋合乎廟之有尸而亦不違顧焉此非本心爾

矣德安屬一州四縣督學者按試時詣廟詣學易書詩禮春秋之訓父子君臣夫婦長幼朋友之倫身心意知之緒非不進諸生而詔之而廟之修不能進諸生而謀之故予三年來如宜昌通山利川府縣學舉率錢爲之倡而實自郡邑長發其緒德安素擅文物自國初建廟至今百有餘載其間祇稍補綴太守以因爲創勉先勞之義而行之門橋兩廡次第聿新下令不有如流水者乎當明之初欲以三皇秩祀於孔廟貝瓊辨之曰崇三皇爲先聖使居孔子之上不足以褒其功降孔子爲先師使混於高堂生之列適所以貶其德故三皇宜祀而不可祀於孔子之廟茲之廟在三皇臺前蓋元時郡縣通立三皇廟而醫者主之由今之典百世不能以易矣行其庭者尙毋忘率作之艱而可哉

敕封忠義神武靈佑關大帝當陽陵廟重修碑記

乾隆四十六年十一月湖廣督臣舒常言當陽章鄉有關帝寢墓以後裔世襲博士一員承祀屆春秋官祀縣令來詣行禮伏思我

皇上崇德酬功於關帝再加號諡尤昭誠敬當陽旣

有寢墓與他處僅有祠廟者不同請以距當陽百二十里駐守之宜昌鎮及該管之安陸府就近輪往承祭以

昭敬重 制曰可越二年舒公與巡撫姚公捐廉倡輸

自堂斧兆域暨門塗垣棟齋房庖湍之所靡不整治如制螭螭舂蠻式憑儼若省欽謹記之碑曰周官禮小宗伯職成葬祭墓爲位冢人職凡祭墓爲尸註一以謂先祖形體託於此地故祀其神以安之一以謂禱祈蓋冢人之職於始窆爲后土之尸於凡祭爲所祭之尸夫曰凡祭則非一祭矣乃二鄭以墓祭無明文故不敢曰墓祭而第曰禱祈宋儒又以古不墓祭墓祭始漢明帝之上陵然間考武王行軍祭畢曾子言椎牛而祭墓孟子言東郭墦間之祭者皆在漢明帝以前若魯世世相傳

白華後稿

卷五

三

以歲時祀孔子冢光武祀李通父冢則不特子孫固祭墓卽遠而國人上而天子亦得祭墓致禮誠以體魄所藏視廟中之祀其精氣無所不凝故禮不容以闕也今京師府州縣衛下至百家之聚遼絕異黨之域胥立廟祀 關帝其長吏所治尊曰武廟與文廟等按武廟立自唐開元中祀太公尙父取名將十人爲配建中初顏真卿請以名將六十四人圖形配享 帝始與焉宋開寶中詔定前代功臣烈士二十三人各置守冢三戶而 帝復與 帝有墓在華陽見趙抃成都古今集記序至今歸時往嘗展拜而記之而章鄉之兆於禮得尊曰

陵裴松之所云孫權葬以侯禮者于是乎在樵蘇有禁香幣有司迨至我朝數典纂脩我

皇上懷柔昭格事神如在既冊加封號以祇答乎帝之靈其史臣舊諡得旨特改忠義布告天下釐正

籍版夫乃知壯繆之稱即使從後鄭繆穆通用之訓而仍不足以諫行也信者民之所以立也亂臣賊子天討之所不赦也帝不幸生亂臣賊子之世而氣塞天地光爭日月惟此春秋之志焉今春秋官祭與上丁並垂而章鄉一邱孔林是埒墓祭之官典隆誼美陵與廟亦於是乎訖工然則審禮文之譌而紀崇祀之盛視學者可得辭其責耶廟殿二重門三重陵高若干丈縱廣若干步率錢人姓氏官籍並見他石

重修尙氏家廟碑記

維

聖清龍興東土應

天順人佐命立功之臣丹青竹帛載德不忝若平南敬親王尙氏杖策嚮義削平禍難始終臣節將謝兵柄歸老以吳耿煽亂留鎮騎箕

聖祖命於王門下置佐領七員在京五陪京二俾守職志世官世祿延至於無窮王有子三十三人其第七子

太子太保內大臣和碩額駙諱之隆尙主賜第太保孫
參領玉德隨其兄侍衛兼副參領玉成嘗以乾隆十六
年辛未卽門左故祠拓而新之閱今歲久亟待修繕先
是乾隆戊申冬參領君第六子維昇以廣西左江鎮總
兵從今大學士前兩廣總督仁和孫公征安南旣平復
拒順明年春正月歿於市球江南岸事

聞予卹視提督例予諡直烈予世襲輕車都尉而君餘
子現官副將參將遊擊者五人自餘影纓之選青矜之
俊赴赴莘莘胥族姓百餘人歲時會祠下苟廟貌之弗
恤懼昭格之或爽而立身揚名之志亦無以示觀感焉

白華後稿

卷五

五

君之齒七十一矣痛其兄先逝率兄子參領維慎筮甲
寅二月吉鳩工庀材自闔及堂自砌及甬奕如奐如計
旬四計錢萬千百有奇貌孔肅也成孔安也古
諸侯大夫士門以內右堂寢左廟寢而塾而禪而序而
階而左右房而廟而堂而寢其制多相埒廟以藏主主
以依神神道清靜惟地近居室循省易周故修廟之舉
不常見於書史後世立廟之處不能盡度夫宮室之左
間遇行禮多就堂寢而廟之中不過月朔望至或歲時
至修之費愈鉅故修之舉愈曠君四十餘年中兩舉其
役卽死綏綬結纓之令予以禮耐食與昭忠祠所崇祀安

南王阮光平所奉祀者妥以侑焉。獨孤及曰：贈者一時之榮諡者不刊之典，名過是廟者可以知。國家褒卹之恩，勲舊臣貽謀錫類之原，於什百之一二已。水曹郎王相於君爲同祖弟，諡予乞修祠之文，予以祠者時祭之一。今世祠堂唐以前曰先廟，亦曰家廟，爰從昌黎烏氏廟碑之例，改題曰尙氏家廟碑，而記其重修之歲月。

河西務朝陽寺碑記

務關枕白河，在武清治東北三十里。自元以來爲漕運津要，商販輻輳，炊烟集霧，初設戶部分司，其後築城置驛，改設同知一巡檢一，以其瀕運河之西，亦謂之河西。

白華後稿

卷五

六

務運河卽白河一名大通河，一名通惠河者也。務之爲言猶聚也，關猶城也。城之南有寺曰朝陽，周垣百數十丈，三門洞然。寺僧智鈞年七十餘矣，芒屨破衲，導予入天王殿，大雄殿，升藏經閣，閣上下牙籤金象器用具備。蓋康熙五十六年後住持性善拓順治二年所建之菴，爲之而智鈞與其兄智鍵於乾隆三十年建，無量佛殿嘗一日而募施者八百緡。智鈞復建閣前之兩序六間，配堂十二間，順堂十四間，三門內兩序十間，庖湑庠廡三十間。數十年來，木之材，手以飭土之工，手以埴料量節，齋隨堂粥飯積之漸而成之，頓費半功，倍奕奕乎。

勃謁都會間一名利矣浮屠氏之學以清淨寂滅爲宗
至其棄恩誼絕嗜欲雖毀殘支體舍其身而不顧彼居
處衣食之節夫何以動其心然而通都大邑梵宇鱗比
卽山谷間人跡不到之區亦必有草寮木室以羣鳥獸
蓋彼欲爲教不能自外乎養養之以居處養之以衣食
論者以其自外乎君臣父子夫婦兄弟朋友之道舍其
父子而別若父子舍其兄弟而別若兄弟乃且叢林方
丈戒律嚴整不啻有大夫師長之象而後其養不匱其
教可尊此以嘆先王之道仁聖賢人之學爲範圍曲成
而不過不遺如是也書曰若考作室厥子乃弗肯堂矧
肯構予稍習人事以還回念高臺曲池向之弦肄其中
者一過之而圯再過三過之而墟而十洲之宮十方之
院鐘鼓不移覺方外之賢較方之內者有以守而待昔
韓子之序文暢也以謂喜文辭墨名而儒行儒者之行
孰大於天地之經與夫恭儉慈惠之德此心同此理同
苟有一之相類則文辭末務韓子猶起而進之雖其爲
浮屠周遊天下請搢紳先生之咏歌以爲寵似近於趨
騖名利者之所爲而不以擯斥設韓子而遇斯人見斯
舉也其起而進之吾不知其又何如也吾竊念夫養者
教之原孝慈者民之行以墨者之教而不能外夫養以

成其孝與慈以行其教故因其請而推本論之

重修舊保安衛

聖廟碑記

保安州故與保安衛同城明景泰初徙衛於雷陽站站有新舊城嘉靖間山陰沈貞肅鍊戍所也其新城西南隅聖廟建於正德五年我朝順治十四年裁衛學教授令州學兼攝康熙三十二年裁衛入懷來縣而其地仍曰新保安衛與學先後廢所不廢者廟也宣郡同知通判各一同知分東境治新保安通判分西境治西寧西寧衛亦改爲縣一學二廟每春秋上丁通判與知縣分祭新保安則同知專主而支懷來縣賦羨銀一兩

白華後稿

卷五

八

有贏不給於用五十六年同知余毓浩倡捐祭田共襄大典乾隆十六年同知馬彭年重加修繕乞海寧陳文勤世倌記之歲紀屢周頹落不治門人顏君培天曩攝丞篆思治之而力不逮比舉是官輸百金爲之倡而新舊城諸生且百人人各奮厲所輸與所募且什之今夏五子自宣郡歲試回軫祇謁櫺門魚若廡祀悉新啓聖祠別移於後左惟殿瓦未覆涓埃祇效督工者初不欲以資予予告以不我資將不我記矣旣成謹爲記曰古天子之學辟雍諸侯曰泮宮太而釋奠小而釋菜奉先聖先師位其間學不必別立廟也自漢立孔子廟堂

於魯而所立諸經之學有博士有弟子博士若今教授
教諭訓導弟子若今廩增附生員爲學爲廟本分爲二
漢所祀類祇先師而不必先聖唐以後祀孔子爲先聖
顏子爲先師明嘉靖間尊之曰至聖先師若合先聖先
師爲一人首四配次十哲次兩廡立廟之地無不立學
學以居師徒廟以妥神位卽書院義塾中往往設聖位
以昭尊事乃合樂薦牲之典不敢私以舉者誠以名雖
似學實未立廟也雖然廟者聖之貌學者聖之道與聖
之心心聖之心必道聖之道道不外乎易書詩禮樂春
秋亦不外乎君臣父子夫婦兄弟朋友學之於空虛寂

白華後稿

卷五

玖

滅而道以詭學之於繁曠惡亂而道以狃尊聞行知美
墻斯見衛學而併於州廢猶不廢矣舊衛廟而必待修
於州與縣不廢亦廢矣予以諸生居此者多不如舉延
慶鄉學之例請置學額移保安州訓導函席而弦肄之
僉以謂廟旣不廢學可不必別置是其重視廟而不規
利於學之員額者尤可尙也關門雖阻密邇 國廳而
顏君以畫諾之官舉實枚之役又言廟曠有隙地苟建
義學以教諸生是則因官廟而立私塾之義也故牽連
書之凡率錢人姓名書之陰以示風義

白華後稿卷之六

南滙吳省欽沖之篋

敬樞星宰
敬沐起元 校字

碑記二

重建玉田縣采亭橋碑記

太行之脈迤東至今玉田縣燕山山在縣西北二十五里晉咸康中石虎攻段遼遼將陽裕登燕山以自固其指爲燕然山者妄也山又西北上五里許其土如靛蓄靛者恒取土和之澗水涓如是曰藍水水經鮑邱水注藍水出北山東屈而南流逕無終縣故城東無終故城今當在薊州境而玉田縣西二十里有采亭橋者其水

白華後稿

卷六

一

出燕山合三樂臺看花樓諸小水滙橋下橋三孔明萬歷間縣令繆思啓以下流洩墊疏入薊運河當嘉靖三十六年薊人曾世臣重修橋記以謂創自唐時未之有考興州左屯衛百戶朱鍾欲廣其制爲五孔未歲而歿邑人苗滋等率私錢請於官董而行之碑今在水中予春暮經此欲審所爲水如蔚藍者而其源已遠其流甚細且工徒林立其碑不可以審讀茲縣令崇明倪君爲賢錄示曾記且告工葺屬予記其事因報曰東南之水浸而巨其橋級而上其下達帆楫焉西北之水及冬輒涸徒杠輿梁雖未成而未病於涉惟夏秋之際潦漲潭

盈葦杭莫跋橋之利於民而不得不利於石也固也計嘉靖二十六年至今闕年二百有四十四閱丁已運數祇亦適然然橋之創始曹學佺名勝志謂金學士楊繪爲之繪故邑人采亭乃其別字曹之志作於萬歷間距苗滋修橋時不遠世臣薊人而莫之考曹以閩人考而知之縱金史無繪傳而繪猶以橋傳於鄉第橋之名不繫官不繫楊公而繫其別字亦以見事無鉅細名以實留而當時風俗之美不以貴而加於鄉黨不以恩而色於鄰里且役繁費鉅六七百年來邦之人先後爲鄉里計因以爲行旅計者請於官而政舉急於私而事集具白華後稿

卷六

二

可書也橋之東爲三皇廟三皇有廟蓋元制也不立於聖廟而別立廟則貝瓊之議也倪君將以碑記嵌廟壁並考論之如右

鹽山縣移建

聖廟儒學碑記

鹽山地產鹽隋開皇十八年以山名縣縣直山西北八十里於東漢爲高城縣渤海都尉治焉自唐訖元明屬滄州雍正初改天津衛置府以縣改屬緊望視他縣最而薦紳茲肆之徒較黜每京兆榜發十科中俛得一二則有以是咎 聖廟失地脈者廟直治西不數弓岸獄枕其上顧今治非漢治明洪武初縣令吳文靖自今縣

南之漢高城縣舊治移此劉昫所云舊縣在今鹽山南是也昫所指之舊縣殆卽文靖先所治之縣舊縣城距今縣南三十里而顧氏祖禹謂在南六里此如今之長蘆鹽沃海水入坎日曝而成顧氏謂海在縣東七十里潮汐所至土皆鹹鹵煮爲鹽而設官司之長蘆鹽利出於縣者十五六顧氏所云縣之鹽利可據所云煮鹽不可據也廟學之立無碑志可考而縣之必有廟學當自明初文靖旣徙縣度無不立廟者特草創之始其地或未亟以擇湫囂圯壞事勢固然然其不克以妥 聖之

靈而爲儒之病向之令是縣者夫豈膜而置之縣之人

白華後稿

卷六

三

豈習而安之工鉅役繁發之而懼其無以收已耳去年夏四月予按正定府方苦旱而鹽山縣令鄧君以書來請曰縣東南有高敞處將移廟與學於此謹輸三百金倡之而其餘募之縣之人予又懼縣之人未必以赴公亦輸金殺其三之一踰年事歲糜錢七千 百萬有奇自門塗殿廡迄學師弟子堂舍秩如奐如庶所稱說以先民之效矣君又言甲乙之位曰長生丙丁之位曰文明或以地師之學非先聖所言抑知古之人建都營室靡不熟相夫陰陽之故吉凶損益之宜少不便於民必改卜再三而後止况以 聖人之宮師弟子講學會文

之地狃乎其舊而不與之更始樂成將何以爲治也菜
幣攸釋賓興及期記之碑以待來者鄧君名元煥江西
新城縣人乾隆甲午科鄉貢生由某縣調治鹽山

增置保安沈貞肅祠水田碑記

終有明之世忠良屠僇若三大案三小案外嘉靖間死
最烈者南則會稽沈公北則容城楊公皆死奸相嚴嵩
手楊之劾嵩也後予諡在先沈之劾嵩也先史稱天啓
初予諡忠愍而公年譜載萬歷三十四年公孫存德請
諡崇禎十六年南京禮部侍郎管紹寧請諡公貞肅若
忠壯得旨照正擬予諡今新保安

本名潔陽亦名雷陽站

有沈貞

白華後稿

卷六

四

肅公祠榜其得實無可疑也當嘉慶丁巳夏予入祠拜
公象公裔孫翼祖并以畫象示予蓋公故里有表忠祠
而天津公僑寓地亦有祠新保安之祠故公謫佃所孫
曾世奉祠弗絕予因題五言十六韻揭之楣今戊午四
月子復過祠下翼祖率其子來迎且謝增置祭田之舉
愕然無以應也而吾家宣化太守鼎雯曰有之曷者承
捐書院費百金事未集適入祠見所榜詩及壁間祭田
碑知明隆萬間巡按御史吳允中捐置如于畝康熙四
十二年懷來令陳潤尊置右所田二十畝乾隆二十二
年懷來令吳文正爲贖地數頃其三頃則孟姓者歸直

弗受第山田饒薄一頃不得三四鍾會國子生楊萬年
有保安州左家渠水田四十一畝宜稅稻無水旱憂願
以原直二百金歸之祠故任其直之半而其半取之曩
所捐書院者焉嗚呼死諫之臣與疆場之死事緩急固
以異矣古志士仁人之烈不有其身何有於子孫顧自
志士仁人言之則可自他人言之則彝好不存而人之
道亦幾於息當公戊保安時賈某者既徙家以家公謂史
未有館舍賈人徙家舍之誤從遊之栗鉉梁子健哭公尸武崇文匿
公詩文藁行於世惜史不能遍以及而牲醪之奉餽粥
之供易世而下猶如公初謫時給薪米惟恐後者嗚呼

白華後稿

卷六

五

不已亮哉公大較與忠愍同臨刑時亦近忠愍他詩文
豪宕而不詭於法觀其志者廉頑立懦皦然爭日月光
因爲揭史家之小誤而叙其祭田增置之由俾後之人
知予得稍以示觀風立教之義者微太守之賢不及此
左家渠導洋河成之畝直六七金其四至及禁私買公
牘俱詳別石

敕賜雲峰寺重修碑記

雲峯寺俗曰北菴直婁治西少北半里其初曰北道堂
曰淨真院宋乾道間里人沈氏建奉真武神於此回道
人再生樟在焉唐宋仙釋之宮統名院其曰本一禪院

自宋亡後文信國故客趙孟僖始孟僖見世系表爲太祖十二世孫浙江志言德祐末陶菊隱散家財集義兵謁文信國於軍與趙孟僖殷澄號秀州三義嘉興志言孟僖先世故黃巖信國開閩江東浙西授從事信國赴闕孟僖留吳中僅五十日宋亡元兵執而官之以疾辭遂去吳遊情佛老著湖山汗漫集松江志言孟僖於景定辛酉見信國許爲瑚璉器時年十七及留信國幕五十日信國赴召環衛王邦傑以平江降元授邦傑安撫使孟僖吳江尹辭去越十年爲道士改名道淵居松江北道堂又五年爲僧名順昌字月麓自號三教遺逸本

白華後稿

卷六

六

一禪院志月麓延天日中峰師開堂說法中峰名本一故改北道堂爲本一禪院院有賢首堂中峰月麓松雪石刻象今尚存松雪題殿梁字及殿板畫龍髯存六七楊鐵崖陸文定董文敏陳眉公留題亦夥伏遇我

聖祖仁皇帝康熙四十四年

巡方至松

御題雲峰寺額以賜山門懸照炳如日星而風雨之不時朽蠹之漸致垣頽瓦敗匪直名蹟之日湮抑雲漢之奎文懼弗克敬以守也南豐趙公來守郡之四年三登游告政通人和百廢具舉周覽斯寺舉而新之圯者立

缺者補腐者闔者佛象之駁落者以典以治歸如煥如
十方頂禮歎誦雷動蓋古忠義之士莫多於宋莫多於
信國之寮幕信國至燕有黃冠歸故鄉他日以方外脩
顧問之語故信國辟署帥府帶行監思文院行江西提
刑兵敗削髮變姓名自號堅白道人之何時及嘗從信
國遊砮潰不知所終之劉子敬史並列之忠義以孟僖
之志節如是而史顧不書且松江志言咸淳乙亥而不
審乙亥之爲德祐二年浙江志言孟僖與陶菊隱殷澄
爲德祐末三義而不審其當在德祐之元年燭火將殘
文獻放佚惟孟僖自題文山之客千古忠貞二語可蔽
攸同况

白華後稿

卷六

七

之也已宋之待宗子也厚靖康以來死事者累數十人
其遺跡多真考而孟僖一坏猶在寺後黃冠歸老心迹
御書題榜信有虹光燭天之象何孟僖之不幸而幸如
是也趙公名宜喜字鑑堂江西南豐人乾隆五十九年
以陝西同知擢守松江寺之修在嘉慶二年閏一年訖
工凡木石工作錢若干萬并識

南滙移建魁星閣碑記

鄉會試自第一至第五號五魁魁之號多者至十六或
十八而止魁星之祀顧氏炎武謂不知始何年魁北斗

第一星奎北方元武宿之一奎爲文章之府乃改奎爲魁又不能像魁而取鬼字之形舉足而起其斗二星所主不同字音亦異說似辨矣實未覈也奎在西宮咸池不在北宮元武宿爲封豕亦曰天豕曰封豨主溝瀆爲天之武庫五星犯之主爽德律書奎毒螫殺物徐邈曰奎一作畫畫卽蠱故星經以爲白虎趙宋以前未有稱吉曜者自乾道五年五星聚奎占者謂文明之兆羅氏泌蒼頡觀奎星圖曲之勢制文字王氏應麟改爲觀魁星圖曲之狀皆由援神契奎章一語附會之嗣是奎章有閣瀛奎律髓有編林靈素至稱蘇軾爲奎宿奏事不知五星凡聚處無不主泰平者也北斗魁四星第一樞二璇三璣四權其形若圓若曲奎十六星晉志十六星兩端銳若梭而潤安在其圖曲者以玉衡之三星合魁四星爲中宮北斗其體尊其用廣至魁星之主科名太學光齋之禮狀元送鍍金魁星杯盤一副宋周密所識也金斗高跳鬼狀獐人言此象是魁星淳祐間番禺李昂英送魁星與李子先詩也舉手高摘萬文虹光文信國代富丹酬魁星文也手筆手金銳則明蔣一葵謂天順癸未崑山陸容於會試前戲寓必定之意而圖之也我邑表廣百餘里進士科相望我朝順治康熙間施清惠

葉忠節尤著卽雍正甲辰榜之唐教授班朱少詹長裘

馬大尹嚴以甲辰第序皆今邑境人今邑析自雍正四年丙午

丁未榜之葉教諭承庚戌榜之顧成天雖邑人而一籍

青浦一籍婁乾隆戊辰榜予季父樂昌尹世賢籍係奉

賢而太學題名碑錄皆誤作漢陽人若壬辰榜之施教

授潤則又邑人而籍上海癸未戌榜予與弟省蘭碑

錄中始著籍南滙焉當乾隆二十九年靈壽楊侯宜崙

於學宮之東倡修三層閣高五丈五尺圍十三丈上奉

文昌神中奉魁星旋於閣之西文廟之東建惠南書院

經營締造鬱焉改觀顧形家者言閣與大成殿脊不相

白華後稿

卷六

玖

中地脈又局促創建以來科第寥落屢議移建於隔水
之太乙巽宮而地窪工鉅觀望弗果嘉慶七年冬錢塘
張侯昌運語予借孫司訓銓邑諸生莊顯王誠先後相
度酌中科南北分金爲閣專祀魁星與大成殿脊遙對
巽乾一貫甚得地利侯與予兄弟各輸錢以倡築基飭
材八年四月工興七月工蕪凡高下圍徑一如其舊而
地脈疏鬯體勢聯絡邑人士欣欣色喜謂靈秀清淑之
氣必有貫三才以昭響應者是役也糜錢一千二百千
有奇錢價方貴較數十年前值銀千四五百金書以竣
錢貨之考至文昌帝君比奉

旨祀與闕聖帝君埒侯克期議舉擇地與閣相比亦謂
文昌之宮以魁星旁侍爲失序魁更不可改爲奎故正
其神號昭祀於閣之最上層而予爲之記

婿上海喬淦玉繩覆校

10217

白華後稿

卷六

十

